

同書

百十八之廿二缺

百十六

百十七

百十四

百十五

漢書門類			
九〇七	一〇三	一〇三	四
冊	架	函	冊

內閣文庫			
九〇七	四七三	漢	書
冊	架	函	冊


內閣文庫			
番號	漢	9073	
冊數	40 (33)		
函號	292	86	

三十四
三十五缺



綴じ部(喉部分)の文字等が開きが不鮮明な場所あり





閩書卷之一百十四

英舊志 縉紳

興化府 仙遊縣二

皇朝科第

舉人 進士 子午卯酉屬舉人辰戌丑未屬進士

洪武十七年甲子 吳懋 監生

十八年乙丑 吳懋

二十年丁卯 郭寅

二十三年庚午 白至善

二十九年丙子 陳偉 林榮 蔡陽



三十年丁丑 林榮

永樂三年乙酉 黃顯

六年戊子 張端

十五年丁酉 吳義 李安

十八年庚子 唐智 陳關

宣德四年巳酉 王毅

正統三年戊午 陳升

四年巳未 陳升

六年辛酉 李梁 周瑩 有傳見莆田

九年甲子 陳鼎 升弟

十年乙丑 周瑩 李梁

十二年丁卯 陳禮

景泰元年庚午 楊瓚 茅昌 陳燮

四年癸酉 林越 鄭紀 陳遷

天順元年丁丑 楊瓚

三年巳卯 鄭珪 鄭純

四年庚辰 鄭紀

六年壬午 鄭寬 紀從弟

八年甲申 七年癸未二月會試場屋災詔移秋八月至是春三月始廷對 陳遷

成化四年戊子 曾琛 高昂 儒士

八年壬辰 高昂

十年甲午 陳衍 楊黻 瓚子

十三年丁酉 阮韜

二十三年丙午 張炫 端侄孫

弘治五年壬子 高江 昂子 林照 府學

六年癸丑 高江

十一年戊午 李鼎 安魯孫 阮鑑

十二年巳未 李鼎

十四年辛酉 鄭三德

十七年甲子 曾大用 琛子

正德二年丁卯 林文幹 鄭主敬 紀子

三年戊辰 鄭主敬

八年癸酉 林檣 照子

九年甲戌 林檣

十四年巳卯 張文鎬 炫侄孫

嘉靖四年乙酉 許日從

五年丙戌 張文鎬

十六年丁酉 楊皆 瓚孫府學

十七年戊戌 楊皆

十九年庚子 陳維孝

二十五年丙午 劉大化

二十八年巳酉 林程

四十年辛酉 吳執御 綾孫

四十三年甲子 姚文煇 文焯弟

隆慶元年丁卯 陳紳

四年庚午 陳承芳 深孫

萬曆元年癸酉 陳傑 鄭瑞星

二年甲戌 陳紳

十四年丙戌 鄭瑞星

二十五年丁酉 俞誨 朱顯文

二十九年辛丑 俞誨

三十四年丙午 陳金陵

三十五年丁未 朱顯文

三十七年巳酉 林鳴臯 茅序

四十三年乙卯 李燦箕 薛大鄂 吳顯弼

四十六年戊午 唐顯悅 林鍾英

薦辟貢監賢者雜見列傳中

有傳

陳潛中 李義甫 鄭照 陳升 李梁

柯添 顧元 薛益 陳燮 楊瓚

傳 啓 鄭 紀 子王敬 陳 遷 徐 經

林 洋 張 炫 茅 陽 高 江 李 鼎

曾 大有 曾 綸 顧公陞 林鴻猷 龔士鏢

陳潛中以字行可大之後初名元亮洪武中以聰明

正直舉知開建縣滿三年赴京百姓哀號挽留至京

計歷俸少十五日例當罰作尋遇赦回縣人莫士忠

丞上饒薦潛中忠孝清廉奉旨准就政以疾不起建

文元年聞燕邸將舉義上書陳諫疏言忠信四事文

疏便民十二事蒙召問諫燕事請紙筆以對尋放歸

已赴燕邸上書永樂八年命取閑官不願仕者起送

選用尋有例延久不到者七十以上在家未及七十

者充軍潛中至以年七十餘放歸

李義甫洪武中以孝廉薦一再任為副理問兒時知

孝父病十年侍養不離側道拾金以還人人取金謝

郤之

鄭照字孔昭正統間由國子生授安遠令以憂還起

改德安政無妄費慎重民力有大事必屬耆老商確

議定乃行一時邑無失政民無冤訟都御史韓雍巡

撫江西沙汰屬僚十去八九獨稱照為廉官第一棄

官歸柯學士潛遺之詩曰閑因投笏早貧為守官廉

一瓢顏子樂三韭果之賢其卒也鄉士大夫私謚之曰清介

陳升字景順僕射靖之後授行人司正嘗疏流弊外法者三朝論譴之爲同官所誣免歸葛巾野服山水自娛岳正守興化時時禮升之廬以厲高節

李梁字廷王任監察御史慷慨敢言英廟北

征梁極言不可竟卒官

柯添字長益嚴靜力學正統間貢授台州學訓導歷雷州新河所至有聲年五十乞休自號歸樂翁子守仁以歲貢歷官合浦教諭不愧父風

顧元字體仁正統間貢士授長沙通判被旨旌異蒲九載陞高州同知賊環高州鎮藩用兵檄元掌飛輓于外已城陷家殲焉元遂無意世事請老歸行李蕭然

薛益字謙仲正統中歲貢任潮州通判剛果敢爲請老而歸年八十餘

陳燮字延輔以舉人讀書太學執經從遊甚衆若冢宰倪岳其尤著者以優等授南御史巡視諸倉剔蠹剗弊勦獲江盜豪奸斂屏遷廣東僉事卻番舶互市例錢未三載卒官

楊瓚字宗器初授考功主事王忠肅翱爲冢宰方嚴待屬瓚持正自如初殊不見知既厚遇之進員外郎中作歲寒亭以寓晚節嘗語人曰楊震以郤金名世吾竊憾焉夫舉茂才而得懷金之人智或未盡也郤金而存四知之畏廉或未誠也遷湖廣叅政改河南時旱澇相仍通縣八十萬石瓚處置二年餘足而民不擾以不能狗時歸瓚居官幾三十年皆居要地田廬如故孫皆四川按察僉事治行有聲從侄汝惠徙莆有傳

傳啓字思明楫之後成化間貢入國子授寶鈔提舉鄉有宦于京者家病疫人避不敢至門啓日夜拊視爲煎藥煮粥旋亦被染夫婦俱沒同郡吳方伯繹思護其柩以歸一子未婚夫人嘆天道焉

鄭紀字廷綱南湖淑之後舉進士爲翰林庶吉士授簡討與謝一夔劉健周經張元禎諸公講性理之學以經濟相許其爲文章披竒別恠瀾立星回深博蘊藉益探以有 憲宗登極上太平十策以親老

引病歸養父沒哀毀骨立知府以金助葬謝不受喪畢廬墓讀書與孝子劉閔泉南陳剩夫相往來脩撰羅倫謫官泉州亦時會聚講論倣義門家規藍田鄉

約朱子義倉以齊族睦鄉家居二十餘年再起供職
遷浙江提學副使令諸生兼讀五經正樂舞行鄉射
革浮屠毀淫祠 孝宗登極上疏勸御經筵近儒
臣論聖學以正心爲要言甚切至有旨嘉納召爲國
子祭酒監規嚴正師生凜然再侍經筵啓迪尤多萬
壽節故事設醮禮部取監生執事紀曰監生讀聖賢
書豈識此禮即上疏言焚脩之事乃李孜省鄧常恩
之徒欺罔先朝以竊富貴者 陛下誅其人未
久遽襲其事非所以帥天下也 陛下誠日御

經筵暮還宮壺安宅廣居終日不違不窮奢侈以耗

元氣不耽宴樂以損精神則心平氣和晬面盎背川
至日升壽於何有國學有膳餘銀千兩典簿以常例
奉紀曰膳爲監生何與祭酒悉歸官同官謂紀形其
短銜之紀故以前輩自處遇科道官不能折節爲禮
因相與攜撫其事論劾之 孝廟爲紀任未久

何遽有此令條拆以聞改南京通政司左通政七年
陞南京太常少卿 武宗在東宮行冠禮紀采

古今帝王嘉言善行凡百條各繪圖作贊名曰聖功
圖表格以進且言 皇太子當近正人聞正言
不可與儼薄內侍遊 上優答之又論古祭禮

天子九獻公卿降殺以兩今郊廟止三獻學校所以明人倫而顏魯子思皆坐父上孔子封於唐非天王而用八佾宜加帝號以稱尊崇或仍王祭以正名分周公制禮作樂之大聖不宜混於忠臣烈士而褫其文憲王之封弁言道家絕夫婦之禮優人亂男女之倫今乃以之掌郊廟禮樂各寺院及通衢多有異服之人涅槃說法城隍廟靈濟宮男婦無貴賤少長雜進焚謁皆非所以興禮樂端風化乃采古禮可行于今者爲申明禮制疏上之陞南京戶部侍郎適南畿災紀以漕米權宜水兌積出餘米二十餘萬石賑濟又將月糧放支本色以平米價奏革京儲冗食鹽鈔攬納之弊皆有惠利及人然竟以前論踵襲言者不已紀亦屢疏乞休十七年進南戶部尚書致仕卒年七十六遺命請劉閔治喪勿乞葬祭計聞賜葬如故事有奏議四卷聖功圖十卷歸田錄八卷文集前後續別五十卷子主敬主忠主忠蔭補壽州同知守官飭簞簞而歸田好施祀鄉賢

主敬字直夫授戶部主事監收草場以廉能見獎奉檄監督臨清糧廠同事內臣例取糧頭銀斛面米主敬悉禁革之內臣欲行中傷主敬不激不隨卒致信

服亡何卒

陳遷初名僊字漢崇授南戶部主事累陞江西叅議以父憂去官時江藩有獄濫及寮案遷曰地寒蟲蟄江寒魚逝遂不復起爲人慕古善持論謙虛能忍犯而不較年八十二卒

徐經字宏常天順中貢士爲餘杭簿正已蒞民多有惠政五載歸田宦囊如洗年八十餘鄉士夫重之林洋字德昭天順中貢士性清脩不屑榮進以盛年奉詔授廸功郎優游林下八十餘卒

張炫字叔昭與羅玘張詡相友善知博羅縣廉介自將政存長厚歲旱甚縞衣草屨露禱赤日中大雨如注先是創立龍門縣割邑之寧集兩圖隸焉越七載民以不便言朝下監司檄廣惠二郡久莫決炫出爭之遂得復舊以重聽告歸結茅金石山號金石翁年八十所著金石遺音集十卷

茅陽字常清成化中以貢入京聞河東閻禹錫得薛文清之傳遂往師之授新城訓導陞河源教諭嘗疏時弊十條詞旨剴切多見施行

高江字一龍該洽優裕每有撰著葩藻橫發舉進士初授行人與江浦莊景同里員外郎林夔相善出爲

浙江僉事預知崇明設伏之寇捕斬無遺遷四川副使掩襲松藩內應諸番力戰保孤城遷湖廣按察使湖廣志稱其嚴毅自守端亮待物

李鼎字大用以南太常博士擢南御史清成浙江三疏乞恩歸田養母出處大節有足稱者

魯大有字子遜從蔡文莊學以乙榜授德州學正累廣東市舶提舉克著廉聲乞歸田里產業多歸之兄弟貧族嘗著勸學錄以訓士又有資仕蛙見二錄

魯綸正德中貢士融縣教諭端已淑人居家純孝鄉邦重之

顧公陞嘉靖元年清潮縣學訓道清苦自勵生辰開

門思慕與生徒接多隆禮貌潮士高之陞教諭

林鴻猷信宜訓導古學古行家教和肅諸子孫守其

門風斷斷如也

龔士鏢仕南安教諭清謹如甲科一切待諸生如子歸而無家賃居於學宮

興化府

興化故縣

宋科第

太平興國五年庚辰

薛巒

大中祥符五年壬子

方偕

天聖五年丁卯 陳鑄

八年庚午 鄭子莊 方任 借弟

景祐元年甲戌 陳昭素

寶元元年戊寅 薛利如

皇祐元年己丑 方次彭 借族

五年癸巳 黃中庸

嘉祐二年丁酉 諸科 方洞 次彭

治平四年丁未 方晞道 次彭

熙寧三年庚辰 方次夔 次彭

元豐二年己未 方公衮 洞從子 方安道 次彭 方原

安道弟

諸科 方次臯 次彭

五年壬戌 林髦

恩賜釋褐 林自髦 叔

元祐六年辛未 方叔震 次夔 林成林 國輔

紹聖元年甲戌 林廸

四年丁丑 陳畧

崇寧二年癸未 方符 借從子 陳維剛

四年乙酉 恩賜出身 方車 次彭

五年丙戌 陳師立 維剛弟 方翼 次彭

陽書

卷之三百四

十一

二百四十六

大觀三年己丑

方亞夫

公衮從子

鄭廷芬

子莊族

方彥回

亞夫從祖

董公偃

陳易

政和二年壬辰

林閱

髦孫

林子立

盧熙載

特奏名

郭康時

陳彥達

五年乙未

陳起宗

鑄孫

特奏名

盧點

熙載子

重和元年戊戌

方宋賓

亞夫子

特奏名

林允

白子

宣和六年甲辰

董念

陳自仁

方深道

次彭子

黃徹中庸

特奏名

薛蕃

林汝明

建炎二年戊申

薛涼

利和曾孫

方牧

次夔孫

特奏名

林問

閱兄

紹興二年壬子准推恩

陳宋寶

五年乙卯

鄭厚

陳昭度

師立子

十二年壬戌

薛珩

利和從曾孫

林玠

特奏名

方暉

次彭孫

陳維時

維剛弟

十五年乙丑特奏名

方庠

自猶子

方立

庠從子

陳大

年

十八年戊辰

方綰

深道子

薛璨

利和從曾孫

特奏名 陳斌

二十一年辛未 方渙醇道子

特奏名 陳久

二十四年甲戌 方確赤彭孫

二十七年丁丑 方士舉晞道孫 姚宗之

三十年庚辰 薛元鼎蕃孫 謝洪

隆興元年癸未 崔世舉 黃府徹子 陳必大

特奏名 方詠立子 黃豐府兄 張棐

乾道二年丙戌特奏名 薛璆珩弟

五年己丑 鄭僑第一

特奏名 方緯

八年壬辰 方庇士舉兄

淳熙二年乙未 方銓深道孫

特奏名 鄭周叟廷芬子 高誓明

五年戊戌 伊樞

十一年甲辰 黃勳徹孫 鄭其卿 薛夢龍

特奏名 薛元龜元鼎弟

十四年丁未 黃燾徹孫 崔志世舉從子

特奏名 吳珪 陳師正箴從子

紹熙元年庚戌特奏名 鄭必豫 陳樂天 鄭丙

方鷹原道孫

四年癸丑 黃安石府子

慶元五年己未特奏名 鄭周 伊鼎

嘉泰二年壬戌 陳褒師立孫 方淙銓子

特奏名 薛元芻孫

應童子科 陳詔翁 陳壽翁 陳巖翁

開禧元年乙丑 陳國高必大侄

嘉定元年特奏名 鮑龜齡

四年辛未 陳起衰子 陳鼎玉國高弟

特奏名 謝懿洪侄 章京

七年甲戌 謝澤可洪侄 方雷震次彭大世孫 方發

陳觀國起兄

十年丁丑特奏名 方起學雷震叔

三年進士方譽

十六年癸未 鄭申之子莊曾孫

特奏名 薛履利和曾孫

應童子科 陳槐公

寶慶二年丙戌 方雷作雷震弟

推恩 鄭安之喬侄孫

紹定二年己丑 万雷渙雷作兄

四年辛卯釋褐 鄭煥 廷芳五世孫

五年壬辰 陳夢弼 國高從弟

特奏名 鄭鈞 煥弟

咸淳元年乙丑 鄭獻翁 煥孫

薦辟恩蔭賢者雜見列傳中

有傳

方 偕 族孫次彭 次彭子醇道

次彭從弟公衮 衮從子亞夫

薛利和 孫倬 倬從孫璨

珩曾孫季良 林成材 林廸

陳維剛 弟師立 師立子昭度 鄭廷芬

林子立 陳自仁 鄭厚 從弟煥

陳大年 楊興宗 姚宗之 薛元鼎

謝 洪 黃 鐘 吳 珏

方偕字齊古 隋泉州長史叔達之後也 父鼎太平興國初從陳洪進入朝 累贈工部侍郎 偕年二十登第 授温州軍事推官 歲饑民欲自隸軍 就廩食 州不敢擅募 偕詣提點刑獄呂夷簡曰 民迫流亡 不隸軍盜矣 夷簡從之 遷汀州判官 觀察使唐肅以建安多訟 使權知縣 積牒數千 頓清旬日 縣產茶 歲以社前調

民數千鼓譟山旁以達陽氣偕謂害農奏罷之遷秘
書著作佐郎歷知福清資陽縣累遷尚書屯田員外
郎爲御史臺推直官澧州逃卒備民家誣告民事魔
駝神歲殺十二人以祭州逮其族三百人繫獄久不
決偕被詔就劾令卒疏所殺主名按驗皆亡狀事遂
辨以龐籍薦爲御史裏行再遷侍御史元昊寇塞門
鄜延副總管趙振逗撓不出救詔偕往按偕奏兵寡
不敵輕出徒餌賊耳振得不罪爲開封府判官江南
安撫三司奏罷乳香錦綺之配民間者更鹽鐵判官
遷兵部員外郎兼御史知雜事累天章閣侍制江淮
制置發運使知杭州縱舍有度庭無滯牒遷刑部郎
中太常少卿分司西京光祿卿使契丹其主酌以大
金瓢偕一酌而盡契丹大驚喜遺以名馬號其瓢曰
方家瓢後宴中國使必出以寘諸器之右

次彭字公述偕族孫父泳叔父洞俱以詩賦名泳領
鄉書洞三魁鄉貢次彭年十二喪父哀毀如成人悉
以先疇付兄率二弟次臯次夔刻苦力學皇祐初元
兄弟三人同領鄉薦次彭登進士調劍浦福清二縣
簿遷洽州叅軍每與州將棘棘辨疑獄知長樂縣演
江有渡舟人嗜利重載多覆溺者次彭置官再限人

數自是無患知望江縣時有為盜所殺者尉坐罪其
 隣人次彭疑而釋之果獲真盜改著作郎知海寧縣
 歲大饑悉心賑貸移知梅州首興學校躬教導之梅
 人始有登第者秩滿士民乞留再任六年兩被褒詔
 元祐初上章告老大臣論薦賜五品服以朝請致仕
 次彭子六人孫子四人曾孫二十九人玄孫六十七
 人多有官職其知名者子曰醇道孫曰畢曰綰
 醇道字溫叟知南劍州清儉自持有筆峯集五卷杜
 陵詩評十卷顛集詩史三十卷

畢為替江簿有詩集曰荆南叢錄鄭樵為序稱其文

高於天下行高於鄉間

綰字耀卿官至海豐令俸入以調族黨之貧及文之
 不能遺者少從里儒陳氏學後因買婢訊知陳女遂
 如已女育而嫁之

公衮字汝補次彭從弟元豐元年用薦以布衣上殿
 條奏十事神宗嘉納命為潮州教授明年登進士擢
 諸王宮教授與韓魏公相從最密魏公語曾公亮曰
 方公衮論事剴切正而不阿立已公忠清而不撓年
 未五十卒

亞父字幾仲公衮從子三舉禮部再擢第一大觀三



年以八行舉遂以甲科賜第與從祖彥回同榜博士
 林自稱亞父文章警拔源流賈馬所著述隱然有諷
 諫意官終平江府教授彥回孫監嘉定十三年進士
 漳州教授有集五卷王邁劉克莊每稱敬之

林自黨附蔡東

與薛昂推尊王安石而排擠元祐終太常博士有周易解莊子解詩文集

陳鑄字師回康定初守南雄念母老不復請郡求通
 判福州以便養一時諸公高之如宋景文曾宣靖富
 韓公文潞公咸以詩送行至州贊州守延師增田教
 育後進母沒通判陳州力拯水患全活甚衆歷知潮
 登二州以血刑被勅獎諭官至朝散大夫守光祿卿

開國伯卒苑并宣州

薛利和字天益祖巒太平興國進士官至殿中丞時
 軍治在興化縣而郡人登第實自巒始利和歷知春
 潮韶三州累遷屯田員外郎王安石議權茶欲擢利
 和提舉廣東茶事利和作詩謝之有請把茶租乞與
 民之句遂就常調通判廣州茶法卒不行孫倬子奕
 見弁韜

倬字廣孝為太學生獨心非王氏新經困躓二十年
 餘不肯作進士語金虜犯闕生徒解散倬正色曰諸
 君平時蒙被教育舍此安之從倬留者僅三人建炎

二年從高宗幸維揚自大理司直遷爲丞以獄空被
璽書褒諭出知興國軍終朝奉郎從曾孫璨珩璆
璨字卓然該貫群書文章雄偉人以比之鄭厚鄭樵
終永福簿嘗著邊防十論及考古集

珩字景行歷廣東湖北路簡法官鼎州所上盜當死
珩心疑之與憲臺力辨至欲投劾去未幾果獲真盜
憲臺交薦之前後四爲法官平反全活百餘人官至
梅州守孫元肅廣東運判曾孫季良

璆字景徐監廣州西南道場有鬻私鹽至六萬斤者
吏捕以告法當得賞璆嘆曰刑數十人博一官吾不
爲也以十之一聞餘鹽投水中終南恩推官

季良字傳叟以元肅澤補官調廣東左司理番禺民
愬女爲人害獄具府檄季良審鞫季良密廉得女所
在摧鋒軍叛邛城崔與之委季良招諭事平以勞績
免磨勘歷知閩南安二縣通判漳州帥漕交薦召赴
都堂審察輪對乞脩實德實政以回天意求天命除
登聞簡鼓院奏言簡院乃肺石路鼓遺意今民庶以
爲嘗試州縣視爲具文臣謂凡進狀宜索按予決虛
者反坐遷司農寺丞丐外知潮州慨郡計窘乏專以
廉儉節縮爲尚益使疑潮鹽有遺利欲增筴季良抗

論寢其議

林成材字擇之蚤入太學文行有名第進士擢國子
博士歷祠部吏部員外轉國子司業學校之法多所
建明歷知明濟汝三州卒

林迪字吉夫少讀書于香山陳聘君易與爲忘年交
稍長兼通六經工辭賦第進士授福州左司理古田
縣上刼盜五人迪曰此以年荒竊食法不當死縣吏
文致其罪耳獄具帥疑焉再上再卻迪持愈堅帥竟
從之差知龍溪縣平易近民縣人詣臺府願畱因任
九年丞相蔡京林出也嘗因是欲內交於迪迪以非
同族拒之歸自龍溪請祠建炎中舉遺才迪與秘監
李朴列在文學之科年七十六卒迪操履端方鄉人
推重鄭夾漈與魏丞書曰向見宇文樞密言吉夫耆
老碩德在崇觀間仕不躡進所在以治效稱達夜窮
年卷不釋手與人言終日不及世事居此邑者累年
曾不請托門寒官冷晏如也又與詹令書稱其風流
灑落器識過人令亦言吉夫乃吾師事者也著詩文
百餘卷又詠唐史一編寓意褒貶爲叙以示子孫
陳惟剛字公執一字毅老知涇城縣燕薊之役與有
勞績後提舉鼎澧路弓弩手逆賊鍾相來攻辰州率

眾塵戰掩捕無遺官終朝散大夫弟師立

師立字可權少為鄭俠所器長游京師章貢李林文

行高峻非人不及其門師立師事之舉進士令連江

有妖僧惑眾師立曰我為邑長柰何縱左道耶僧聞

亟遁遷順昌縣在官四考民甚愛之入仕十五年猶

在遷調嘗獲劫盜十有七人愀然曰忍速民死而優

吾秩緩之會赦得減建炎中遷知官告院未幾請老

有集藏家諸體皆擅五千並仕其一昭度

昭度字元矩為屯溪主簿部使者檄令摺撫屬吏細

過昭度無然拂衣去閒居讀書著文十餘年不調與

鄉大夫林廸為忘年友林光朝方勦劉夙二昆為兄

弟交既教授藤州藤地鄙遠昭度勵士以致知謹獨

之學改知長樂縣未上卒昭度淵源濂洛文章簡淡

光朝志昭度墓謂不緣師授視橫渠為同時獨疏者

鄭廷芬字國華累太學博士提舉漳州路常平成都

路轉運使為文華瞻雅正自成一家有易索隱等書

林子立字伯與知茶陵縣靖康元年詔諸道勤王子

立募兵二千餘赴荆門遇胡騎接戰中流矢卒

陳自仁字克廣舉進士調永豐尉以廉節聞建炎三

年金虜犯洪吉二州隆祐太后護衛兵叛所過殺掠

楊世雄梁世美等遂犯縣境自仁調集兵卒誘伏夾擊賊披靡潰會其別將繼至兵疲援絕與知縣趙訓之皆歿贈通直郎官其子禡孫

鄭厚字景韋唐右散騎常侍積之裔少而通穎下筆成章不顯一經自太學歸與從弟樵倡物理之學宇文虛中一見異之貽之書曰士弊科舉久矣安知淵源深渺不漬俗學有如二公紹興五年再舉禮部奏賦第一廷對六千言指陳無隱高宗聞厚姓名詔特循兩資與陞擢差遣受左從事郎泉州觀察推官嘗上奏三事曰國勢治體兵畧紹興八年以趙鼎薦召

之書稍經耳目百家之學粗識門庭惟著述之功百不償一不圖晚景獲見太平松筠之節不改歲寒葵藿之心難忘日下恭惟皇帝陛下誠格天地孝通神明天縱之聖日新之德君臣合道一言而致中與切見兵火之餘文物無幾陛下留心聖學篤志斯文權用儒臣典司東觀內外之藏始有條理百代之典燦然可觀臣伏觀秘書省歲歲求書之勤臣雖身在草萊亦欲及茲时效尺寸顧臣究心於此殆有年矣今天下圖書若有若無臣雖不一一見之而皆知其名數所在獨恨無力抄致姑能紀記之耳謹搜盡東南

遺書古今圖譜又盡上代之鼎彝與四海之銘碣遺
編闕簡各有倫次天篆梵書亦爲釐正於是提數百
卷自作之書徒步二千里來趨闕下欲以纖塵而裨
嵩華涓流而益滄海也念臣困窮之極而寸陰未嘗
虛度風晨雪夜執筆不休厨無烟火頌聲不絕積日
積月一簣不虧十年爲經旨之學以其所得者作書
考辨訛作詩傳作詩辨妄作春秋傳作春秋考作諸
經序略作刊謬正俗跋三年爲禮樂之學以其所得
者作謚法作運祀儀作鄉飲禮作鄉飲駁議作系聲
樂府二年爲文字之學以其所得者作象類書作字
始連環作續汗簡作石鼓文考作梵書論作分陰之
類五六年爲天文地理之學爲蟲魚草木之學爲方
書之學以天文地理之所得者作春秋地名作百川
源委圖作春秋列國圖作分野記作大象畧以蟲魚
草木之所得者作爾雅註志作詩名物志作本草成
書作本草外類以方書之所得者作鶴頂方作食鑑
作採治錄作畏惡錄八九年爲討論之學爲圖譜之
學爲亡書之學以討論之所得者作群書會紀作校
讎備論作書目正訛以圖籍之所得者作圖書志作
圖譜有無記作氏族以亡書之所得者作求書闕記

作求書外記作集古系時錄作集古系地錄此皆已成之書也其未成之書在禮樂則有器服圖在文字則有字書有音讀之書在天文地理則有天文志有郡縣遷革志在魚蟲草木則有動植志在圖譜則有氏族志在亡書則有亡書備載三二年間可以就緒如辭章之文論說之集雖多不得而與焉柰秋先蒲柳景迫桑榆兄弟淪亡子姓亦殤惟餘老身形影相吊若一旦倏先朝露則此書與此身併填溝壑不惟有負平生亦有負於聖時謹繕寫十八部百四十卷

未請簡院校進其餘卷帙稍多恐煩聖覽萬一臣書

可採望賜睿旨許臣料理餘續當上進得展盡底蘊然後鵬歸蕙帳狐正首丘庶幾履陛下之地食陛下之粟不辜為陛下之一民也詔以其書藏秘府二十七年以薦應召上殿奏言臣處山林三十餘年脩書五十種書皆已就尚欲取歷代之籍始三皇卒五季彙輯為一名曰通志體叅馬遷法則稍異謹撫上要覽十二篇名曰脩史大例帝曰聞卿久矣何相見晚授右廸功郎禮兵部架閣為御史葉義問所劾力乞還山改監南嶽還家論著閱四年通志就詣闕請上會高宗幸建康命為樞密院編脩官尋兼攝簡詳諸

房文字脩金正隆官制比附中國秩序因求入秘書省繙書又坐言者寢高宗至自建康命以通志繳進會病卒年五十有九樵平生枯淡好施居鄉累歲不一詣守令筆札雖詔從官給未嘗取也金人犯邊樵言歲星分在宋金主將自斃後果然學者稱夾漈先生從子僑見永福

陳大年字彥永同舍生陳仲防患疫人皆避之大年獨周旋曰疾病相棄豈人耶仲防愈拜謝君德人也以特奏名累知柘州所至有德於民

楊興宗字似之授鉛山簿孝宗即位上封事召入審

察言和議非便忤湯思退除武學博士丞相陳俊卿

舉克館職除秘書省正字遷校書郎與師林光朝同省修四朝會要成轉宣教郎權尚書司勳論張說不當與趙汝愚同拜不報又以封爵太擾不書勲忤時相出知温州以嫵改嚴州終湖廣提舉

姚宗之字元仲第進士授吉州司戶叅軍以薦擢吏部郎中請禁援例陳乞之弊進將作少監輪對言三事一論今日法令貴嚴不貴寬制度貴質不貴文任相貴遠久業不貴細謹用將貴成功不貴無過試人貴職事不貴空言謀事貴十全不貴欲速二論節度



之官祖宗未嘗輕授今之將帥爵極欲滿一旦有事
闕外難任勞苦願陛下以奔走豪傑爲用將之術無
極其爵而滿其欲三論國家方經畧中原泛使必時
遣用非其人徒見辱命乞特置奉使一司儲堪任者
以備緩急高宗稱善再三以親老求外遂提舉福建
路常平茶事復改浙東嘗承詔覆實常平米因言平
糴廣儲所以賑貧乏拯水旱而追呼筆楚嗟怨之聲
上千和氣願以新易陳每歲兌易支遣庶幾實數常
存可爲荒政之備高宗可其奏移江南西路提點刑
獄復請祠便養尋卒宗之剛方廉直事親孝與人忠
嘗與時宰書以爲鱗次沓番蠅頭細字繆爲恭敬去
忠信遠矣有戚里進位樞筦慶者盈門而宗之獨未
嘗至每語人云事惟公故明惟勤故敏方崧鄉稱其
言可以爲蒞官之範子渠建州錄事叅軍潮陽縣
薛元鼎字叔雲歷權戶部左曹郎輪對進陳民事利
害劄子五上孝宗曰卿不惟留意職事議論亦自䟽
通遷秘書丞兼太子侍講淳熙三年除提舉浙西路
以勸講東宮特畀道山寓直之寵被旨相視太湖奏
開運河五十四里公私便之除戶部左曹郎官時有
長戶部者獻貢籍之說元鼎被旨往秀州欲以一州

歲計綜覈羸縮爲天下準平還以所詳究本末源流
敷奏孝宗可其請頃之除吏部尚書兼太子諭德復
以母老求補外孝宗曰朕方欲用卿五年暫兼權給
事中一日直前奏事孝宗曰卿直諫多聞甫旬母計
至孝宗嘆惜遣中使傳宣令其節哀自衛以俟異眷
歸將及境卒子鸞見關柝

謝洪字範卿父穆見帝布洪第紹興進士主海豐縣
簿調永豐丞時林枏爲守以莊厲臨僚屬獨引洪諮
論偶有不樂浩然引歸賡正字徐寅人生幾何賦以

見志

黃鍾字器之唐忠義司徒碣之後祖寵評事父脩知
翁源縣鍾從舅氏陳昭度學議論粹然一出於正旣
登第調德化尉待次閒居稽經訂史筆硯典籍出入
自隨繇三皇五代皆作紀傳曰史要又有周禮集解
荀楊續註杜諸註釋史要諸書詩文神閒思遠晚究
心內典作傳燈節錄德化秩滿調漳州錄事叅軍以

歸

吳珏字仲玉天性孝友勇於爲善尉南海以捕盜應
格改知龍巖節浮費以益學廩郡僚有建議增諸邑
轉輸者珏爭罷之會有詔造戰艦州下取材珏拒以

非故例不獲免則高其市直勿以擾民簽書寧國軍節度判官有娶婦無子或以戶絕告將入其貲珪曰利毫末而絕人將墮之緒仁者不為也宜聽立嗣通判漳州未上卒

皇朝科第

舉人 進士

壬午卯酉屬舉人辰戌丑未屬進士

洪武三十二年己卯 魏仙

永樂元年癸未舉人莊觀生

按舊志有洪武三十五年榜攷是歲革除故元

年開科而明年甲申會試

二年甲申進士 莊觀生

三年乙酉 陳恭 黃隆生

十五年丁酉 翁文昶 鄭球

宣德元年丙午 翁福 鄭師陳

正統十二年丁卯 吳智 周琰 鄭重光 陳延

十三年戊辰 周琰

景泰元年庚午 宋泰

二年辛未 吳智

薦辟貢監賢者雜見列傳中

有傳

何誠 鄭師陳 陳延 周琰 吳智

何誠字則明正統初以庠生貢入太學出知虹縣下車問民疾苦革弊除奸自學宮以至橋梁陂塘道路百廢具舉訓誨生徒至吏胥子弟亦教之讀書寫字習律令大誥春夏遍歷村邑勸課農桑劇賊至以死誓神卽擒獲之蝗將害稼誠祝禱卽不入境治虹九年卒官虹人共買棺殮之誠妻南京人昇誠柩卽葬於南京虹人思誠遷還塋虹建祠祀焉百餘年後仍重脩以識不忘

鄭師陳授長樂教諭明教條嚴考課講明經義士風丕變子熊石城訓導從弟夏襄府伴讀端雅質實襄

府推重

陳延字崇德國子助教寬大勤愷教士有功

周琰字廷燦正統中進士己巳之變琰提千卒分主給餉犯難冒險能以智自全虜去監收京儲景泰初遣勞軍西蜀歸復差通州等處僭收芻茭出內嚴明宿蠹室穴

英宗復位命吏部推擇郎官御史為牧守得琰等十四人宣入面諭賞寶鈔賜宴遣之琰得温州郡以大治丁艱改饒州爬搔糾剔將以抑強扶弱巡視九卿簞簋不飾琰耻之遂致官歸彭韶銘琰墓曰於共

英皇東濕御宇更賢牧民申

以天語公拜稽首往蒞于温既敏而公吏蹟攸聞豪奢踰制流風斯美峻其隄防務俾率禮薄徵簡繁視市如野片言裁決事無留者載闢儒官科目相繼田餘粳稻水無揭厲滙澤劇郡公起治之剔蠹櫛垢公優為之軋沒可畏公致而還千里弗售方臯所歎吳智字宏哲歷南北戶工二部主事陞四川提學僉事敦行檢嚴條約公去取卽鄉宦居政地者亦無所私陞湖廣副使仍董學事楚人稱其清風勁節尋致仕歸有來為御史者其四川時所取士也入拜床下見其服屐敝陋叩欲所言不荅御史歎息去

閩書卷之一百十五

英舊志

縉紳

邵武府

邵武縣

宋科第

端拱元年戊子龔識

淳化三年壬辰龔緯

咸平三年庚子黃奭

龔紀

大中祥符二年巳酉上官昇

五年壬子上官師旦

天聖五年丁卯龔宗元

八年庚午龔會元 黃埴

寶元元年戊寅危序

慶曆二年壬午上官凝 黃汝奇 虞肇

六年丙戌高照

皇祐元年巳丑游烈 吳公達

五年癸巳吳慶厚 上官汲 黃僅 危雍

嘉祐元年丙申釋褐 黃履第一 黃伸

二年丁酉黃通 上官塏子凝 孫迪

六年辛丑吳默 黃侑

八年癸卯龔程

治平四年丁未吳黠

熙寧三年庚戌上官均子凝 上官濟 何與京

何與狷 蕭維申

六年癸丑孫諤子迪

九年丙辰上官燹

元豐二年巳未謝濬 吳表深 李夔 黃德裕裕

作 吳思

五年壬戌上官合 吳黠 危建侯

八年乙丑上官恢均再 上官愷均從 朱蒙正

元祐三年戊辰朱朝倚 黃邦彥 危詠 龔貺

六年辛未上官怡

紹聖元年甲戌上官恂 黃中羨

元符三年庚辰黃潛善 黃伯思履孫

崇寧五年丙戌吳偉明 謝錫明一作朋 謝祖仁

大觀三年巳丑朱缶

四年釋褐 上官公陟

政和二年壬辰上官愔均子 李綱夔子 季陵 盧奎

謝如意 上官公綽 上官惕

五年乙未鄧邦寧 上官維祺 謝尋

上官致奉 謝詰 朱震

六年丙申釋褐 上官閔

七年丁酉特奏名 上官愉

重和元年戊戌何允 鄧根 上官祝 上官公舉

上官閔 上官問 謝詩

宣和六年甲辰上官全節 謝祖信

建炎二年戊申上官汝明

紹興二年壬子黃章 朱岳 上官燁

五年乙卯黃申 謝如圭 孫縝

十二年壬戌馮諤

十五年乙丑黃徹

十七年丁卯上官歸 上官端義

十八年戊辰謝鴻 謝份

二十一年辛未朱致恭一作致虛

二十四年甲戌黃存永

二十七年丁丑趙善俊

三十年庚辰謝源明 吳英 趙善佐 丘翔

隆興元年癸未趙善滂 黃適

特奏名 上官粹中 均再從曾孫

乾道二年丙戌上官駿

特奏名 上官瑩中

五年己丑特奏名 上官恭亨

八年壬辰趙善儀 趙善侃 趙善恭 趙善履

淳熙二年乙未任希夷 饒幹

五年戊戌特奏名 上官賁 上官伯忠

八年辛丑俞聞中

紹熙元年庚戌吳炎 黃靜夫 李東然

四年癸丑黃大全

慶元二年丙辰黃樵 上官簡

四年戊午上官瀧

五年己未特奏名 上官損 上官必克 惜曾孫

嘉泰元年辛酉上官銘

二年壬戌黃際

開禧元年乙丑黃順之 龔宗顯

三年丁卯上官衡孫

嘉定元年戊辰上官渙酉 黃範 鄒恕

三年庚午上官濼 上官渙申

四年辛未特奏名 上官發

七年甲戌杜東 杜采 葉武子

九年丙子上官益明

十年丁丑特奏名 上官琦 上官昂 上官知

方

十二年巳卯上官彥華 淳祐十年特奏名

十五年壬午上官文正

十六年癸未特奏名 上官肇宗

紹定二年巳丑丁朝佐

四年辛卯上官渙元

五年壬辰危夢亨

淳祐元年辛丑上官渙然 任尚

四年甲辰上官子進

特奏名 上官應琪 上官庸

七年丁未上官天錫

寶祐元年癸丑危昭德

四年丙辰吳季子

咸淳元年乙丑黃公紹

危徹孫

七年辛未林順豫

薦辟蔭人才賢者雜見列傳中

有傳

龔慎儀

子識附 姪頴 上官凝 子塏 均子

悟 悟 悟 悟 悟 悟 悟 悟 悟 悟

恢子模 曾孫渙西 渙然 基 從曾孫模

均從曾孫粹中 虞肇 高照 游烈 危雍

黃伸 族子中羨 中羨子永存 黃通 孫諤

謝濬 子師稷 李夔 子綱 姪平西 族孫東

龔慎儀字世則父愈仕南唐為太傅慎儀仕禮部侍

郎後隨李煜歸太祖以駕部郎中為歙州刺史宜春

盧絳欲據福建領眾數千繇新安入歙約慎儀開城

降慎儀不聽已城陷絳眾入慎儀朝服坐堂皇神色

自若絳曰聞公素有籌畧今下歙特請公為謀王慎

儀厲聲曰吾已受宋命雖一日失援肯從賊耶絳怒

殺之舉家被害二女被虜縊死于邑之香嚴寺門下

子識侄頴識以監察御史從真宗東封還拜殿中侍
御史兼左巡使後除司封郎中平江軍節度副使
頴字同秀父最守秘書監頴初仕南唐爲內史學士
隨李煜歸宋擢爲御史時盧絳亦來歸宋頴當其陛
見袖鐵簡直前擊絳首太祖驚問頴俯伏言故太祖
嘆曰江南小國有義士若此耶遂誅絳義頴而釋之
謫知舒州又知昂州太宗立轉殿中侍御史進歷年
圖降勅獎諭大中祥符二年致仕官至銀青光祿大
夫簡較司徒持節營州諸軍事兼御史大夫上柱國
鄕瑯郡開國侯卒年八十有三頴慷慨英特諫諍論
議卓犖音偉世人號曰端公所作有正己箴李惠定
公爲跋孫原寓居龍巖縣見龍巖志

上官疑字成叔初調銅尉官滿有老叟十數人送至
境上餽藥數器行數里發之皆金追而反之曰吾不
私汝汝忍私吾調潭州司理叅軍時郡繫滿獄疑辨
察當罪郡無冤人守常以喜怒輕重疑數爭之守怒
爭益力用薦爲陽朔令改著作佐郎歷知攸湖口分
寧安丘縣疑在分寧治豪右決淹獄在安丘邑有成
向者以殿中丞廢歸干請侵漁致貲鉅萬疑責數堂
下使伍纍囚且窮治之會其族人奕爲守向巧語譖

疑守聽之上奏追逮驗治無狀山東大蝗疑境上有
鳥萬數群食之歲獨大熟熙寧三年遷尚書職方員
外郎通判處州賜五品服疑始至州守持法峭深疑
輒格之不下其後守有置舍無不先眡疑意未幾卒
民悲嘆出涕子塏均

塏字彥明官至太守中允廣東轉運判官才行過人
治有異績子愷恂怡愷字正平初調溧陽尉改新息
遷濠州錄叅改永城丞從事十餘年廉正明決雖不
見知而自信不改恂教授興化軍怡見韋布

均字彥衡熙寧三年神宗初革聲律以策試士均入
對數千言援引古今無所顧忌知制誥呂大臨直史
館蘇軾擬均第一以策中論新法忤王安石意遂置
第二授承奉郎大理評事北京留守推官大臣薦均
經學通明授國子監直講轉光祿寺丞元豐間賜對
垂拱殿神宗問治天下何先均言以道爲主故以察
理則是非明以審官則邪正辯尋拜監察御史裏行
加宣德郎相州富人子殺人獄疑讞于審刑大理詔
貸死京師流言法官竇莘等受賂逮繫御史府知制
詔蔡確引猜險吏推勘慘酷無敢明其寃者均是時
方以確薦爲御史奏乞移司根治未報明日又言確

持刑刻深所辟官皆險薄恃勢凌轢請以獄事詔臣等叅治疏入言光祿寺丞知光澤縣逐妖巫立義社政績甚著秩滿代還監都進奏院哲宗卽位復宣德郎尋轉奏議郎擢開封府推官元祐元年再除監察御史時言者請無用詩賦試士宰相遂欲盡黜經義太學生改業者十四五均言經術以理爲主詩賦以文爲工主理者於言爲實而所根者本工文者於言爲華而所逐者末先帝去數百年之弊不爲不難陛下臨馭之初正宜獎經術以堅學者之志請令學者各占三經雜以論語孟子不必專用新義試策以二一問歷代一問時務章三上經術不廢亦均力也自熙寧以來京師百司有謁禁均言以誠待人則人思竭忠以疑遇物則人思苟免願除開封大理外餘皆釋禁以明洞達不疑之意時詔侍從舉堪爲諫官各二人又詔薦中外官以充監司之選均言愛憎好惡天下常情立法之始人固未敢營私謬薦竊恐久而弊生背公徇己薦舉之人惟權與舊願以所舉盡報御史臺臣等得以盡知得失所薦非才顯加譴罰則真才實行可坐而得又請罷青苗法以復常平章再上青苗遂罷故事左右僕射入省閱訴牒多至數

百又常程細務無不關白均奏宰相位尊任重天下之事無所不總今分視聽於訴牒勞治慮於細瑣竊恐公之大安攘之謀有不暇深思而詳講請以省中務類分輕重尚書可以覽決者不必關二丞二丞可以覽決者不必關僕射又言福建一路槍杖手上有費財之患下有防農之弊於實無補不若罷集公私兩便時詔書慰安中外宿姦舊惡一切置不問臺諫仍不得彈治均言賞罰者天下公義要在處之至當斷以必行若用姑息之政則諫官御史上觀朝廷之旨次窺大臣之意天下事不得上達恐非朝廷之福乞追寢詔書加武騎尉言治天下二道寬與猛而已熙寧以來諸路監司不能深明朝廷之意務爲慘核刻深之法此傷猛之弊也陛下臨御務從寬大比聞諸道監司又不能明陛下之美意一切以苟簡縱弛爲事願明詔四方以寬不縱惡恩不傷惠之意詔具均童布告諸路轉承議郎左僕射蔡確第軍器少監碩盜貸官錢以萬計獄具均請并正確罪以勵百官又論尚書右丞李清臣附會王珪蔡確乞退清臣出就便藩清臣遂出知河陽監察御史張舜民論邊事因及宰相文彥博左遷判登聞鼓院均請還之

不報中丞王巖叟御史孫升呂陶約均再論均曰論
 事有可一再而止者有當以身決去就者舜民事小
 不當再論巖叟等遂奏疏論列詔召巖叟等三人戒
 諭之巖叟意均賣已遂劾均未嘗奏論而罔同列詔
 均分析均繳疏草以聞禁中亦出均先所上疏巖叟
 徙吏部侍郎出升陶等補郡遷均殿中侍御史久之
 力乞罷臺職除尚書禮部員外郎遷吏部以避嫌復
 除禮部加雲騎尉元祐五年再授殿中侍御史傅堯
 俞為中書侍郎許將右丞韓忠彥同知樞密院三人
 論事多同異俱求罷均言堯俞等雖有辯論之失事
 皆緣公望令就職御史中丞蘇轍等尚以為言均言
 天下之事以是非為主所論若當雖異無害為同所
 論若非雖同未免為異若陛下罷去堯俞等則執政
 數人自此曲相隨順誰肯為朝廷以身當責詔罷許
 將尚書右丞知定州均疏言呂大防堅疆自任每有
 差除同列不敢為異惟許將時有異同與大防相善
 者希其意率孫升盡力擠排升等畏轍之勢不敢違
 戾許將既以異論罷諫官御史不敢復有異言執政
 臺諫皆務隨宰相朝廷威福皆歸大防綱紀法令自
 此壞矣又言御史耳目之任中丞風憲之長當公是

非別白善惡以補助聖朝乃愛憎任情毀譽違衆願
出轍等章䟽付外如許將有罪乞加謫命無罪願行
蘇轍妄言之咎章四上不報遂居第待罪詔以均補
外大臣指均爲朋黨當黜宣仁太后曰上官均無罪
遂出知廣德軍轉朝奉郎提點河北東路刑獄加飛
騎尉紹聖元年召拜左正言論治天下六術曰審好
惡曰辯邪正曰察衆言曰謹政令曰操要術曰明賞
罰是時大防已罷政均䟽大防六罪章再上大防遂
斥宰相章惇欲專政柄陰去異已出吏部尚書彭汝
礪知成都府而召朱服爲中書舍人均言汝礪行義
高潔風節素著雖除美職典藩郡實則疎之朱服柔
佞傾邪典司誥命非所以遠佞人也忤惇意汝礪降
職知江州均提點京東西路刑獄徙淮南東路刑獄
遷梓州路轉運副使知越州徽宗卽位出均姓名將
召爲臺諫會執政以親嫌辭除秘書少監道拜起居
郎入對陳治道四要建中靖國元年累遷給事中言
人主之學在於知要適用願退朝宴閒觀閱經史以
明義理之大致達治亂之大體因進對之臣虛心下
問以考政事之得失觀群臣之志趨則天下之義理
臣下之邪正判然如白黑之辯䟽入忤旨克弔慰大

遼國信使使還言者論均奉使衣服不如例降授朝散郎徽宗初政天下翕然望太平已而當軸者復欲盡循熙寧法度爲紹述以風均均曰法度惟是之從何有彼此忤執政意以龍圖閣待制知永興軍徙知襄州崇寧元年與元祐姦黨籍奪職主管江寧府崇禧觀大觀二年轉朝請郎叙復朝奉大夫主管杭州洞霄宮四年復集賢殿脩撰提舉洞霄宮轉朝散大夫政和五年復龍圖閣待制抗章告老遷朝請大夫以待制致仕郊恩封文安縣開國男食邑三百戶加開國子益封爲五百戶卒贈通議大夫詔楊州給塋事累贈特進所著有曲禮講義二卷奏議十卷廣文文集五十卷子四人恂愔愔悟

愔字仲雍踰冠登進士主膠水簿改監海鹽鎮授泗州戶曹轉封丘簿宣和六年除太學正高宗卽位改宣教郎召至行都差充提舉巡行事務所幹辦公事二帝北狩愔上書相府請勸車駕入京款謁廟社慰安士民遴選統帥蒐簡士卒以圖興復又上相府書論朝政之宜建炎中累除吏部員外郎以親老丐祠紹興五年除知南劍州九年召赴行在以親老力上祠轉朝請賜五品服尋卒愔剛介有聲其守延平去

鄉不遠親故莫或敢請代還抵家俸用已罄矣爲文清簡援筆立就尤工於詩典雅適逸有尚書小傳論語孟子畧解及史統史旨

悟字仲達以父蔭累官轉運使建炎三年留守東京劉豫叛降金虜命節制京東兵馬遣人說悟使降悟斬其使豫復賂悟左右使同說復斬之金兵攻東京勢益急力不能支城陷死焉贈朝散大夫右文殿脩撰官其後五人

必克字復之愔曾孫幼孤事母孝謹篤學好脩慶元五年以積舉推恩監成都府都稅務鈞察精明吏不容奸以是課額增羨諸司薦其才行調泉州錄事

謚字安國悟孫從朱文公遊以祖蔭授會昌東尉調永州推官簡易不刻深遷四會令卒


恢字闕中均再從子也累知南劍州移徽州仁愛爲治多所寬貸有甚不可者乃峻臨之晚丐祠里居有過其里者指以相示此熙豐名儒也胡安國上書宰相言恢諳歷世務端重有守遂以與楊時同薦積官中大夫封歷陽縣開國男食邑三百戶子模祝曾孫渙西渙然基從曾孫損

模字規仲以蔭補官通判撫州崇仁宜黃盜起勢張

甚帥憲二司以討賊付模模密授方畧率將士據險
阨其衝縱兵擒賊酋餘皆就縛衆以為神祝為勅令
所刪定官

渙酉字元之累官通判鎮江府委脩丹陽塘岸訪求
本末旦暮視役除知真州兼淮南運判勦忠武軍五
百人別為營壘以壯守衛預辦一年錢米以遺來者
又以羨財糴米萬五千石備荒淮陰盱眙道梗渙酉
造舟通海運軍餉賴不乏除淮南運判力請祠端平
三年除知池州緝舟楫為江防浮光失守虜哨騎直
抵江岸知有備引去除提舉浙東常平茶鹽公事予

祠淳祐更化除右曹郎官辭免弗允仍兼國用所叅
詳官力辭兼職上殿首疏邪正是非之辨次論屯田
軍政之弊改尚書佐郎遷將作監大理少卿尋陞卿
復論國勢人材運餉流民數事言尤忠切又乞令荆
襄湖南兩淮士著士子不分汭邊次邊並許赴武舉
試量增解額四名省額二名以惠邊郡遷起居舍人
尋與祠十二年除右文殿脩撰提舉亳州明道宮寶
祐二年復兩上章請老陞集英殿脩撰致仕積階朝
議大夫爵歷陽縣開國男渙酉不立獨行無所附麗
紹定淳祐兩忤時相閒居十年晚立螭蚬又罹讒口



尋以麾節起家秩蒲卜居吳門宇棟蔽風雨田園粗
供伏臘而已弟渙然

渙然字文之早有文名尤留意性學首悟太極之旨
分解圖畫以授同志紹定六年以渙西裡需補將仕
郎就授廸功郎調鄞縣尉不畏疆禦務直民枉爲權
門所擠後爲無爲軍錄叅淳祐元年擢進士就辟准
備差遣虜圍安豐制闈委渙然巡視江面犒師上流
虜退圍解薦陞一階尋調安豐教職淮東制使李魯
伯鎮維揚辟致幕下適虜寇深入魯伯遣請采石是
日虜騎已至城下乃詭計宵渡上功循一資明年復
委渙然督運吳門僅閱月運米六十萬石特轉奉議
郎知全椒縣右丞相趙葵董師江上檄渙然入幕氣
緊相與會制使吳淵一見偉之不聽還邑府中有難
決事悉來折衷擢幹辦行在諸軍糧料院繼遷戎簿
當陞對首言正君心明公道愛善類以壯君子之脉
容直言以申公論之氣次言邊事深以玩敵爲戒條
陳守邊三策以獻改胄監簿尋行轉朝奉大夫未幾
與祠歲餘差知邵武軍以鄉井乞迴避除司農丞遷
右司郎旋主管建康府崇禧觀卒渙然孝友剛方入
仕三十餘年家無餘財

基字仲立少誠實警悟九歲而孤奉母孝謹以恢遺澤授迪功郎尉安化不赴調監建康倉以母憂去調興國丞適歲歉穀價翔踊基邑當賑糶令欲更候臺府之報基曰何可久待有謹身當之卽計口給曆遠近皆得就糴秩滿調衡州軍事推官趙丞相汝愚謫零陵道衡陽卒時韓侂胄用事沿途州郡送者皆獲譴及是兩臺州司畧不敢爲汝愚營辦基無雅素獨經紀之守錢鏊上其治行除四川茶馬調都大提點鑄錢司簡討官卒汝愚子崇度適守邵武臨穴哭奠子銓好學能文補登仕郎

損字益之少孤事祖母以孝聞博學工文慶元五年特赴廷試授武平簿創養濟院以處貧病及行旅之無依者有盜劫人乃扳鄰人分受其物已誣服會令以疾在告被誣者泣訴損呼盜訊之設方畧與辯白誣者得釋調道州寧遠丞未赴卒

粹中字德厚均再從曾孫喜義嗜學隆興初以累舉試策入第調武岡軍僉判在官以長者稱零陵有重囚獄久不決粹中推詰片言而定秩滿知增城縣勤恤民隱獎進士顛勸農桑緩催科漕使上其治行于朝

虞肇字公充爲御史臺推直用法明審出知南安縣未七十謝歸

高照任處州理邑多盜捕者利賞誣及良民照察其枉百餘人出之

游烈字晉老素以孝節稱從胡安定瑗學官至職方員外郎郡人知經學自烈始

危雍任晉江令築煙浦埭清洋陂爲民灌田民至今受賜

黃伸字彥發黃五經裔孫也五經名惟淡教子皆登科世號黃五經伸與兄僅弟侑齊名時比河東三鳳

初知河南縣文忠烈薦之有東帛之賜繼知泉州建學校芝生于梁改建州境內復生瑞粟以治最聞終司農卿子滂沔沂皆克舉其官

中羨字文昭黃五經十一世孫也父蒙舉進士中羨初調真定府左司理叅軍知平鄉縣以守正不阿忤上官罷退久之更調鎮西軍節度推官地隣極邊守武將也視法令僚屬蔑如中羨獨不爲撓事有不可必庭辯改宣德郎知衛縣以治河功轉奉議郎除河北都轉運司屬官北京留守辟以爲真定府錄事是時河北連歲不登民相聚爲盜守權燕敖逸如平時

中夷每當集輒辭不與守問故對以實守不悅乃移
信德府司錄事當宣和之末承平百有餘年二三弄
臣竊國大柄建取燕雲以召非常之變捷書日聞官
吏相慶中夷獨有憂色人問故蹙然曰太平日久軍
旅遽興廩無蕪歲之儲歲薦饑民死無數河北天下
根本也可重困之邪俄河北盜盜起信德城守屢危
金虜乘之遂不能支官吏相與匍匐拜降恐後中夷
奮然誓死虜既入城放兵四出有挺刃脅中夷降者
中夷顧左右踣之而逸變姓名匿里巷中虜退乃出
宣無使奇其節俾行府事中夷亦撫摩瘡痍期復按
堵未幾以內禪轉朝議大夫則以資高不當復屈佐
郡而省罷以歸靖康元年還次京師遭圍城之變明
年欽宗北轅虜擁立張邦昌一時公卿俛首唯唯中
夷即日移檄致仕當是時也不約而去者僅四十人
而中夷與焉不數日以病卒累贈光祿大夫子永存
永存字堅叟紹興中登第以才能聞召尚書郎官軍
器監淳熙中出爲淮南轉運副使俾脩農戰之業以
爲北向之漸官至正議大夫孫大昌隱德不仕有兼
山語解大昌子公紹字直翁號在軒著韻會
黃通字介夫既登第以韓琦范仲淹論薦除大理寺

丞通身長八尺餘風韻蕭洒嘗騎牛吹鐵笛浩歌長嘯衆目爲異人有賦元宵燈詩世稱其雄俊

孫諤字正臣父迪太常博士同提舉兩浙市易司諤登進士方弱剋授池州司法叅軍迪恐不更事令就學律明年試大法中第一時舒王用事中書置五房遴揀天下賢才諤以才名在選中除監制勅庫制勅庫用士自諤始未幾除吏房習學公事同編脩中書條例一考卽真下父憂再監制勅庫仍多攝五房職事因議司農法駁其不當者大臣力主之諤反覆不

許大臣意又嘗叱堂吏語有侵大臣因造爲訕上

語以聞神宗察其無根得不坐出爲睦州司理叅軍睦人畫像祠之紹聖中累官尚書刑部員外郎以事免改吏部員外郎賜對從容請儒臣討論官制而補完之成一代之典追配周官有旨條具以聞會言者適諤爲元祐辨訴罷職出知南劍州未赴遇上皇登極恩遷朝奉郎賜緋魚袋召爲司勳員外郎崇寧初以國子祭酒兼權秘書監抗章請外除直龍圖閣權發遣江淮荆浙等路制置發運副使初蔡京一見諤奇之爲戶部尚書薦以自代及與政欲以爲刑部侍郎諤辭又欲以爲他曹又辭曰異時聞從官闕大臣

有以其名進者上未以爲然公秉政宜慎所引毋以不肖累君也京意未已會有傳謬趣與新政異者遂罷發運知潤州未幾得音勾杭州洞霄宮曰吾志也大觀元年遷朝請郎二年以八寶恩遷朝奉大夫洞霄再任恩復請差提舉舒州靈仙觀後入元祐黨籍鶚善刑書不樂爲刑官精陰陽星曆學未嘗一言及之異時天官曆火木二星及蝕時刻多不合與姚舜輔所撰曆互有踈密委官考詳前後有異命謬校之其說遂定九宮貴神壇位失次悉謬釐正蓋謬以儒學自將其於法家術數皆因事而見不樂以此名世精通內典其篤信之至於屏聲色黜滋味嘗有疾得異方須鸚鵡素不喜殺不忍爲也藥久不就忽有鷲禽擊死者墮庭中得而餌之疾隨愈有奏議解經雜著文集四十卷子縝登第爲郡有政績

謝濬紹聖中知沙縣多善政吏民悅服子師稷師稷字務本初歷福安懷安丞陞判興化軍辨明冤獄遷湖北路提舉常平事再遷本路轉運判官改知襄陽兼京西安撫司公事淳熙中爲福建提刑建劍汀邵民苦敷鹽之弊按法除之奏免輸鐵葉錢秩滿再領漕事罷行鹽法利害改知明州兼沿海制置使

召爲右司郎中以集英殿脩撰知平江府樽節浮費未滿歲積四十萬緡城壞遂請以所積繕完之師稷生而端重廉介天性孝友歷諸道建臺作牧所去見思鄉人爲立壽祠於大乾惠應廟之右廡將樂順昌亦皆有祠以老丐祠轉中大夫致仕卒八十三子如圭太常卿孫源明成都路安撫

李夔字師和幼聰敏經書一覽成誦文不停綴與楊時友善初尉華亭有政聲遷縣令累官右文殿脩撰終龍圖閣待制子綱

綱字伯紀積官監察御史無權殿中侍御史以言事忤權貴改比部員外郎遷起居郎宣和元年京師大水䟽言陰氣太盛當以盜賊外患爲憂謫監沙縣稅務七年爲太常寺少卿金人渝盟邊報狎至詔起師勤王命皇太子爲開封牧令侍從各陳所見綱上禦戎五策且語所善給事中吳敏曰建牧之議豈非委以留守乎東宮恭儉聞於天下巨敵猖獗如此非傳以位號不足招揀天下之豪傑公職論思曷不極奏敏曰監國可乎綱曰肅宗靈武之事不建號不足以復邦第建號之議不出明皇後世惜之主上聰明仁恕公言萬一行翌日敏請對具道所以因言李綱論

與臣同有旨召綱綱刺鼻血上疏內禪之議遂決欽宗卽位召對延和殿迎謂曰朕在東宮見卿水災疏尚能誦之李鄴使金議割地綱奏祖宗疆土當以死守何可尺寸與人欽宗嘉納除兵部侍郎靖康元年以吳敏爲行營副使綱爲叅謀金將幹離不兵渡河徽宗東幸宰執議請上暫避敵鋒綱曰道君皇帝挈宗社授陛下可委去乎欽宗默然太宰白時中謂都城不可守綱曰天下城池豈有如都城者宗廟社稷百官萬民所在捨此何之但當整飭軍馬固結民心相與壁守以待勤王之至欽宗問誰可將者綱曰朝廷崇養大臣蓋將用之有事之日白時中李邦彥等雖未必知兵藉其位號撫將士以抗敵鋒乃其職也時中忿曰李綱莫能出戰否綱曰陛下若不以臣庸懦使治兵願死報乃以綱爲尚書右丞宰執猶守避敵之議有旨以綱爲東京留守綱爲欽宗力陳所以不可去之意欽宗意頗悟會內侍奏申宮已行欽宗變色倉卒降御榻曰朕不能留矣綱泣拜以死邀之欽宗顧綱曰朕今爲卿留治兵禦敵專以責卿綱皇恐受命未幾復決意南狩綱趨朝則禁衛擐甲乘輿已駕矣綱急呼曰爾等願守宗社乎願從幸乎皆曰

願死守綱入見曰陛下已許臣留何復戒行也今六軍父母妻子皆在都城願以死守中道散歸陛下孰與爲衛敵兵已逼知乘輿未遠徒馬疾追何以禦之欽宗感悟遂命輟行綱傳旨語左右曰敢復有言去者斬禁衛皆拜伏呼萬歲六軍聞之無不感泣命綱爲親征行營使以便宜從事綱治守戰具不數日畢敵兵攻城綱身督戰募壯士縋城下斬酋長十餘人殺其衆數千金人知有備又聞欽宗已內禪乃退求遣大臣至軍中議和綱請行欽宗遣李栻綱曰臣恐人須金幣以千萬計求割太原中山河間以親王宰相爲質栻不能措一辭還報綱謂所需金幣竭天下且不足况都城乎三鎮國之屏蔽割之何以立國至於遣質卽宰相當往若遣辯士姑與之議所以可不可者宿留數日大兵四集彼孤軍深入不得所欲亦將速歸此時與盟則彼不敢輕中國而和可久也宰相執議不合綱不能奪求去欽宗慰諭曰卿第出治兵當徐議之綱退則誓書已行所求皆與之質以皇弟康王及少保張邦昌時朝廷日輸金幣而金人需求不已且肆屠掠四方勤王之師漸有至者种師道姚

平仲亦以涇原秦鳳兵來綱奏言金人克恃已甚勢
非用師不可敵兵號六萬而吾勤王之師集城下者
已二十餘萬彼以孤軍入重地猶虎豹自投檻穽今
若扼河津絕饒道分兵復畿北諸邑而以重兵臨敵
管堅壁勿戰俟其食盡力疲然後以一檄取誓書復
三鎮縱其北歸半渡擊之此勝計也欽宗深以爲然
約日舉事姚平仲急於要功先期率步騎萬人夜斫
敵營夜半中使傳旨諭綱速援綱率諸將旦出封丘
門與金人戰幕天坡以神臂弓射金人却之平仲竟
以襲敵營不克懼誅亡去金使來宰相李邦彥語之
曰用兵乃李綱姚平仲非朝廷意遂罷綱以謝金人
太學生陳東等詣闕上書明綱無罪軍民不期而集
者數十萬呼聲動地恚不得報至殺內侍欽宗亟召
綱綱入見泣拜請死欽宗亦泣命綱復爲尚書右丞
充京城四壁守禦使綱下令能殺敵者厚賞衆無不
奮躍金人懼稍稍引却且得割三鎮詔及親王爲質
乃退師除知樞密院事綱奏請如澶淵故事遣兵護
送且戒諸將可擊則擊之乃以兵十萬分道並進將
士受命踊躍以行先是金帥粘罕圍太原守將折可
求劉光世軍皆敗平陽府義兵亦叛凜金人入南北

關取隆德府至是遂攻高平宰相咎綱盡遣城下兵
追敵恐倉卒無措急徵諸將還諸將已追及金人邢
趙問遽得還師之命無不扼擊比綱力爭復追而將
士解體矣詔議迎太上皇帝還京初徽宗南幸童貫高
俅等以兵扈從既行聞都城受圍乃止東南郵傳及
勤王之師道路籍籍言貫等爲變陳東上書乞誅蔡
京蔡攸童貫朱勔高俅盧宗等廷議遣聶山爲發運
使往圖之綱曰使山所圖果成震驚太上此憂在陛
下萬一不果是數人者挾太上於東南求劍南一道
陛下將何以處之莫若罷山之行請於太上去此數
人自可不勞而定欽宗從其言徽宗還次南都以書
問改革政事之故且召吳敏及綱或慮太上意有不
測綱請行曰此無他不過欲知朝廷事爾綱至具道
皇帝聖孝思慕欲以天下養之意請陛下早還京師
徽宗泣數行下詢近日都城攻圍守禦次第語漸浹
洽因及行宮正遮角等事曰當時恐金人知行宮所
在非有他也綱奏方艱危時兩宮隔絕朝廷應副行
宮亦豈能無不至者在聖度燭之耳且言皇帝仁孝
惟恐有一不當太上皇帝每得詰問之詔輒憂懼不
食臣竊譬之家長出而疆寇至子弟之任家事者不

得不從宜措置長者但當以其能保田園大計而慰
勞之苟誅及細故則爲子弟者何所逃其責哉徽宗
感悟出玉帶金魚象簡賜綱且曰善輔助皇帝扞守
宗社調和我父子間綱感泣拜還具道徽宗意宰執
進迎奉太上儀注耿南仲議屏太上左右車駕乃進
綱言如此是示之以疑也天下之理誠與疑明與闇
而已自誠明而推之可至於堯舜自疑闇而推之其
患有不可勝言者耿南仲不以堯舜之道輔陛下乃
闇而多疑南仲怫然曰臣適見左司諫陳公輔乃爲
李綱結士民伏闕者乞下御史置對上愕然綱曰臣
與南仲所論國事也南仲乃爲此言願以公輔事下
吏臣得乞身待罪章十餘上不允時北兵已去太上
還宮上下恬然置邊事不問綱獨以爲憂與同知樞
密院事許翰議調防秋兵吳敏乞置詳議司簡詳法
制以革弊政詔以綱爲提舉官南仲沮止之時太原
圍未解神師中戰沒師道病歸南仲曰欲援太原非
綱不可乃以綱爲河東北宣撫使綱辭章十餘上許
翰書杜郵二字遺綱綱皇恐受命行次懷州有詔罷
減諸路所起兵綱奏太原之圍未解河東之勢甚危
臣出使未幾朝廷盡改前詔臣誠不足任此且以軍

法勒諸路起兵而以寸紙罷之臣恐後時有所號召無復應者矣疏上不報御批日促解太原圍而諸將承受御畫事皆專達宣撫徒有節制名綱上疏極陳節制不專之弊時方議和詔止綱進兵未幾徐處仁吳敏罷相而相唐恪許翰罷同知樞密院而進聶山陳過庭李回等吳敏復謫置涪州綱聞之歎曰事無可爲矣卽上疏丐罷乃命种師道代綱而召綱赴闕尋除觀文殿學士知揚州未幾以綱專主戰議喪師費財落職提舉亳州明道宮責授保靜軍節度副使建昌軍安置再謫寧江金兵再至徽宗悟和議之非除綱資政殿大學士領開封府事綱行次長沙被命卽率湖南勤王之師入援未至而都城失守先是康王至北軍爲金人所憚求遣肅王代之至是康王開大元帥府承制復綱故官及卽位爲高宗拜尚書右僕射兼中書侍郎趣赴闕力辭不許因上十事以比姚崇一議國是二議巡幸三議赦令四議僭逆五議僞命六議戰七議守八議政本九議義任十議脩德翌日班綱議于朝惟僭逆僞命二事留中不出綱所議僭逆謂張邦昌爲國大臣不能見危授命而挾金人之勢易姓改號宜正典刑以戒無將其議僞命謂

受邦昌僞官者無仗節死義之忠俛首順從所當差等其罪於是綱再言留中二事乃今日政刑之大者陛下欲建中興之業而尊崇僭逆之臣何以示四方不問僞命之汙何以厲士節時執政中有論不同者而黃潛善主邦昌甚力綱因泣拜曰臣不可與同列當笏擊之陛下必欲用邦昌第請罷臣高宗頗感動乃貶邦昌潭州吳弁莫儔而下皆遷謫有差謂綱曰今可受命矣綱拜謝有旨無充御營使入對奏曰今國勢不逮靖康間遠甚然而陛下英斷於上群臣輯睦於下中興之功庶幾可圖顧非右元模而知先後緩急之序則不能以成功夫所謂規模者外禦疆敵

內消盜賊脩軍政變士風裕邦財寬民力改弊法省冗官誠號令以感人心信賞罰以作士氣擇帥臣以任方面選監司郡守以奉行新政俟吾所以自治者政事已脩然後可以問罪金人迎還二聖此所謂規模也至於所當急而先者則在料理河北河東盍河北河國之屏蔽料理稍就然後中原可保而東南可安今河東所失者恒代太原澤潞汾晉餘郡猶存也河北所失者不過真定懷衛濬四州而已其餘三十餘郡皆爲朝廷守兩路士民兵將皆推豪傑以爲首

領多者數萬少亦不下萬人所以戴宋之心甚堅朝廷不因此時置司遣使大慰撫之分兵以援其危急臣恐糧盡力疲坐受敵困雖心懷忠義見援兵不至危逼無告金人且得撫而用之莫若於河北置招撫司河東置經制司擇有才畧者爲之使宣諭天子恩德所以不忍棄兩河與敵之意有能全一州復一郡者以爲節度防禦團練使如唐方鎮之制使自爲守非惟絕其從敵之心又可資其禦敵之力最今日先務也高宗善其言問誰可任綱薦張所傳亮遂以所爲河北招撫使亮爲河東經制副使開封守闕綱申明軍政更改者數十條請造戰車戰艦募水軍詢訪諸路武臣材畧可任者以備用復進三疏一曰募兵二曰買馬三曰募民出財以助兵費是時四方潰兵爲盜者十萬餘人攻劫山東淮南襄漢間綱命將悉討平之又奏臣嘗言車駕巡幸之所關中爲上襄陽次之建康爲下陛下縱未能行上策猶當且適襄鄧示不忘故都以係天下之心不然中原非復我有車駕還闕無期矣高宗爲詔諭兩京以還都之意讀者皆感泣未幾有詔欲幸東南避敵黃潜善汪伯彥實陰主之綱言自古中興之主起於西北則足以據中

原而有東南起於東南則不能以復中原而有西北
因極論其不可已遷綱爲尚書左僕射燕門下侍郎
黃潛善除右僕射兼中書侍郎張所乞且置司北京
俟措置有緒乃渡河北京畱守張益謙潛善黨也奏
招撫司之擾又言自置司河北盜賊益熾綱言所尚
畱京師益謙何以知其擾河北民無所歸聚而爲盜
豈由置司乃有乎有旨令畱守宗澤節度傅亮即日
渡河亮言措置未就而渡河恐誤國事綱言招撫經
制臣所建明而張所傅亮臣所薦用今潛善伯彥沮
所及亮所以沮臣願陛下虛心觀之旣而詔罷經制
司召亮赴行在綱再疏求去上曰卿所爭細事胡乃
爾綱言方今人材將帥爲急事恐非細臣昨議遷去
與潛善伯彥異宜爲所嫉然臣東南人豈不願陛下
東下爲安便哉顧一去中原後患有不可勝言者而
先是綱所上募兵買馬募民出財三疏諫議大夫宋
齊愈聞而笑其非策至是疏論不報時方論僭逆附
僞之罪齊愈坐誅張浚爲御史劾綱以私意殺侍從
且論其買馬招軍之罪詔罷爲觀文殿大學士提舉
洞霄宮尚書右丞許翰言綱忠義捨之無以佐中興
會高宗召見陳東東言潛善伯彥不可任綱不可去

東坐誅翰遂求退後有旨綱落職居鄂州自綱罷張
所以罪去傅亮以母病辭歸招撫經制二司皆廢車
駕遂東幸兩河相繼淪沒金人攻京東西殘毀關輔
而中原盜賊蠡起矣紹興二年除觀文殿學士湖廣
宣撫使兼知潭州是年荆湖江湘盜以萬數方議屯
宿重兵鼎鄆嶽鄂荆南一帶以圖恢復中原之漸議
未及行而諫官徐俯劉裴劾罷爲提舉兩京崇福宮
四年冬金人及僞齊來攻綱具防禦三策時韓世忠
屢敗金人淮楚間有旨督劉光世張浚統兵渡河車
駕進發江上勞軍五年詔問攻戰守備措置緩懷之
方綱奏祖宗境土坐視淪陷今歲不征明年不戰坐
使精銳士馬日就損耗何以圖敵至於將士暴露之
久財用調度之煩民力科取之困尤宜大脩守備先
爲自固之計其守備之宜則當料理淮南荆襄以爲
東南屏蔽於淮東西及荆襄置三大帥屯重兵以臨
之分遣偏師進守支郡加以戰艦水軍上連下接使
敵馬雖多不敢輕犯分責諸路因利乘便收復京畿
以及故都斷以必爲之志勿失機會則以弱爲強取
威定亂於一勝之間逆臣可誅強賊可滅矣若夫萬
乘所居必擇形勝建康江山雄壯地勢寬博六朝更

都今者鑾輿未復宜權駐蹕至於西北之民皆陛下赤子荷祖宗涵養之深其心未嘗一日忘宋特制疆敵不能自歸天威震驚必有結納願爲內應者宜給之士田予以爵賞優加循撫使益堅戴宋之心臣竊觀陛下有聰明睿智之姿有英武敢爲之志然自臨御逮今九年國不闢而日蹙事不立而日壞將日驕而難御卒日惰而未練國用日匱民力日困則群臣誤陛下之故也陛下觀近年所用之臣槩然敢任天下之重者幾何人小蘆曲謹平居似可無過忽有擾攘不過奉身而退以天下憂危之重委之陛下而已大槩開暇則以和議爲得計治兵爲失策倉卒則以退避爲愛君進禦爲誤國天步艱難國勢益弱職此之繇今天啓宸衷親臨大敵使北軍數十萬之衆震怖宵奔則和議之與治兵退避之與進禦効可覩已退一步則失一步退一尺則失一尺萬一敵騎南牧將復何退而可臣願自今以往勿爲退避之謀勿復遣和議之使俟吾政事脩倉廩實府庫充噐用備士氣振力可有爲乃議大舉因條上六事上賜褒諭除江西安撫制置大使兼知洪州有旨赴行在奏事畢之官六年綱至引對內殿朝廷方銳意大舉綱陛辭

言今日用兵之失者四措置未盡善者五宜預備者三當善後者二時師與金人僞齊相持淮泗者半年綱奏兩兵相持非出奇不足取勝願速遣驍將自淮南約岳飛爲犄角夾擊之已而宋師屢捷劉光世張俊楊沂中大破僞齊兵於淮淝之上車駕進發幸建康綱奏乞益勵戰守之具脩築沿淮城壘勿以去冬驟勝而自怠勿以目前粗定而自安亡何淮西鄴瓊以全軍叛歸劉豫綱復陳朝廷有措置失當者深可痛惜者及當監前失以圖方來者凡十有五事奏之車駕將幸平江綱以爲平江去建康不遠徒有退避之名不宜輕動又復具奏八年朝廷遣王倫使金國奉迎梓宮倫與金使偕來以詔諭江南爲名綱上疏我與金人今日豈復有可和之理然尚遣使通問冠蓋結軼卑辭厚幣無所愛惜以二聖在其域中也今兩宮凶問旣至遣使以迎梓宮亟往遄返金使之來不著國號而云江南不曰通問而云詔諭則其罔朝廷生後患者不待詰而可知土宇之廣猶半天下臣民之心戴宋不忘豈可廢祖宗之業失生靈之望冀延旦暮遽自屈服臣願陛下特留聖意且勿輕許深詔群臣講明長久之策擇善而從之疏奏雖與衆論

不合高宗曰大臣當如此矣九年除知澧州荆湖南
路安撫大使具奏力辭遂允其請次年薨年五十八
計聞朝廷軫悼遣使賻贈撫問給喪葬費贈少師官
親族十人綱負天下之望以一身用捨爲社稷安危
雖身或不用用有不及其忠誠義氣凜然動遠邇每
宋使至燕山必問李綱趙鼎安否其爲遠人所畏服
如此有著易傳內篇十卷外篇十二卷論語詳說十
卷文章歌詩奏議百餘卷又有靖康傳信錄奉迎錄
建炎時政記建炎進退志建炎制誥表劄集宣撫荆
廣記制置江右錄

平西父純綱弟也登進士有賢名平西知澧州專務
德化訓孝弟勸農桑累遷樞密院承旨金人寇汴與
伯父綱奏守禦策金再入寇乞詔諸道勤王兵決策
一戰宰相不能用

東字子賢綱族孫也受學朱文公既登第薄廬陵秩
滿周必大餞以詩云地跨江南秀氣兼玉成界尺直
方廉西曹久處習鑿齒高十惟知孫子嚴遷知萬安
縣黃幹薦於漕使稱其精敏

閩書卷之一百十六

英舊志

縉紳

邵武府

邵武縣下

宋

有傳

黃伯思

從子中章

中孫際

吳偉明

朱在

季陵

盧奎

謝如意

鄧邦寧

從弟根附

朱震

何兌

子鎬

吳英

黃適

任希夷

饒幹

上官賁

上官端義

俞聞中

呂勝已

吳炎

謝達

葉武子

葉采

杜杲

子庶

危昭德

吳季子

朱汝賢

黃去疾

黃伯思字長睿祖履尚書右丞伯思弱不勝衣而風
 韻洒落自幼誦書千餘言每聽履講經史退與他兒
 言無遺誤者以進士高等調磁州司法叅軍久不任
 改通州司戶丁內艱服除河南府戶曹叅軍治劇辦
 理秩滿畱守鄧洵武辟知右軍巡院伯思好古文奇
 字洛下公卿家商周秦漢彝器款識字畫體制悉能
 辯正是非道其本末初淳化中博求古法書命待詔
 王著續正法帖伯思病其乖偽龐雜考引載籍咸有
 依擬作刊誤二卷繇是篆隸正行草章草飛白皆至
 妙絕又二年除詳定九域圖志所編修官兼六典簡
 閱文字久之遷秘書縱觀冊府藏書至忘寢食自六
 經及六代史書諸子百家天官地理律曆卜筮之說
 無不精詣凡詔講明前世典章文物古器考定真偽
 以素學與聞議論發明居多館閣諸公自謂不及也
 踰再考下外艱宿抱羸瘵因喪尤甚服除復舊職卒
 年四十有文集五十卷翼騷一卷東觀餘論三卷二
 子詔右宣教郎荆湖南路安撫司書寫機宜文字詔

右從事郎福州懷安尉從子中章

中字通老幼穎悟端重踰冠入太學汴城失守張邦昌受虜僞命中即日出居于外既邦昌果遣學官致僞詔藥物勞問諸生中以前出故獨無所汴建炎再造補修職郎御營使司幹辦公事紹興五年舉進士對策極論孝弟之意異以感動上心高宗異其言擢第二投保寧軍節度推官改宣義郎主管南外敦宗院代還秦檜用事察其不附已遣通判建州罹外艱服除復差通判紹興時中登第二十餘年矣轉徙外

服泊如也檜於高宗記中姓名召爲秘書省較書郎兼實錄院簡討官累遷司封員外郎兼權國子司業

歲滿爲直芝生武城廟武學官吏請以聞中不答博士朱熙載陰圖以獻宰相召長貳赴都堂責之曰治世之瑞曷不奏聞祭酒周綰未及對中曰治世何用此爲綰退語人黃公之言精切簡當惜不使爲諫官紹興二十八年克賀金國生辰使與賀正使秘書少監沈介相先後明年還獨言虜作治汴宮役夫萬計此必欲徙居見迫不可不早爲計時約和旣久中外解弛高宗聞中言矍然而宰相皆不悅顧詰中曰沈監之歸屬耳不聞此言中安得獨爲此踰月中復往

扣之且曰即不信鄙言請治罪又皆無然莫應而右相湯思退怒甚至以語侵中中不爲動已乃除沈吏部侍郎而徙中秘書少監以抑之中猶以邊備爲言不聽則請補外高宗不許除起居郎踰月兼權中書舍人尋差同知三十年貢舉權工部侍郎金人來賀天申節克接伴使故事錫宴使者謝於庭中至是辭以方暑請拜宇下中持不可乃如故事遂爲送伴使還虜使復以天申來賀方引見遽以欽宗計聞且多出不遜語諸公怪駭不知所爲至謂上不可以凶服見使者欲俟其去乃發喪中間馳白宰相此國家大事臣子至痛之節一有失禮謂天下後世何且使人或問故將何以對於是始議行禮中又率諸同列請對論決策用兵事莫有同者乃獨陳備禦方畧蓋中自使還三年每進對未嘗不以虜事爲言至是高宗始入其說然不數月而虜亮已擁衆渡淮矣遷權禮部侍郎虜騎至江壩朝臣震怖爭遣孥逃匿中與左相陳康伯獨自如比虜退衆慚服明年虜復遣使通好議者皆曰土地實也君臣名也先實後名我之利也中奏君臣之名既定則實將從之高宗深然其說詔去權號會有詔問足兵之計中以量入爲出對且

曰今天下財賦半入內帑有司莫能計盈虛請悉以歸左藏高宗亦善之未幾孝宗受禪給筆札侍臣各論天下事中既條上且申前奏極論內帑之弊於是
有詔更以內藏激賞爲左藏南庫明年兼國子祭酒
俄兼給事中在東臺不半歲以執法不苛羣小相與
媒孽遂以特旨罷中書舍人乾道改元引年告老除
集英殿修撰致仕進敷文閣待制久之孝宗御講筵
顧問侍臣黃某安在年幾何矣筋力彊否遂赴闕入
對內殿問勞甚寵復以爲兵部尚書兼侍讀每當入
直孝宗常遣人候視至則又召入坐語從容如是數
月月必一再見中知無不言其大者則迎請欽廟梓
宮罷天申錫宴中書舍人范成大被詔使虜以山陵
爲請中奏陛下聖孝及此天下幸甚然置欽廟梓宮
不問則有所未盡於人心且雖夷狄之無君其或以
是窺我矣孝宗善其言而不及用虜果肆媢言人乃
服中論之正而識之卓也久之又以言不盡用乞歸
除顯謨閣學士提舉江州太平興國遂以龍圖閣學
士致仕淳熙元年孝宗手書遣使詣中訪以天下利
害朝政闕失進職端明殿學士迨屬疾手草遺表猶
以山陵境土欽廟梓宮爲言年八十有五累封江夏

郡開國侯食邑千五百戶贈少師諡簡肅中莊重恭
信坐立語默有常節仕州縣奉法循理立朝据經守
正孝宗即位首以正心誠意致知格物爲說再召赴
闕復以前說精言之朱熹裁書請見曰今日之來將
拜堂下惟公坐而受之俾進於門人弟子之列則某
志也其見推如此有奏議十卷子瀚司農卿孫榮
章歷宰劇縣有能稱不肯媚事權豪用薦爲御史臺
主簿以持論不阿出爲福建提舉常平茶事知台州
所至有聲績

榮字蕭甫粹靖州即州學傍建作新院政暇受徒講
學其中官至工部員外郎子熈知高州

吳備明字元昭紹興中知興化軍政尚簡嚴後奉祠
歸縉紳高之

朱正秦檜用知柳州恥出其門以母老辭歸屢召不
起號悠然居士第岳太守

季陵字延仲博學善詩建炎中除太常少卿金南侵
高宗倉卒趨杭陵獨奉九廟神主負以行遷中書舍
人時久雨下詔求言陵言金人累歲侵軼生靈塗炭
城邑丘墟怨氣所積災異之來固不足怪夫惟先格
正厥事毋忽在我臣觀陽爲德陰爲刑常雨常寒陰

道太盛今廟堂之上無擅命之臣惟將帥之權太重
宮門之內無女謁之私惟宦寺之習未革陛下修德
應天能制將帥乃德之剛能抑宦寺乃德之正文言
建康陛下所當守亦敵人所必攻九江上流有建瓴
之勢淮南諸郡有唇亡之憂願陛下爲馬上計時張
浚帥川陝陵論其太專罷知太平州温州召除臨安
府復爲中書舍人除戶部侍郎紹興中以徽猷閣待
制知廣州惠陽狂寇聚衆擒之卒官子璧圭皆顯

盧奎字公主居大學作母我論爲衆所推號盧母我
講學于楊龜山所論仁及忠恕一貫皆的確有味仕

至江西運判有筆錄十卷

謝如意宣和中爲南劍州司錄嘗縛福州叛兵渠魁
二十餘人赴郡斬之叛衆隨弭

鄧邦寧字康國守漳州有惠政從弟根知靜江府兼
廣西經畧以清直稱

朱震字子發學有源委嘗叅謁謝顯道而友胡安國
歷仕州縣以廉稱安國薦於高宗召爲司勳員外郎
稱疾不赴趙鼎爲相復薦震學術深博廉正守道高
宗召至問易春秋之旨具以所學對擢司部員外郎
兼川陝荆襄都督府詳議官遷秘書少監兼侍經筵

轉起居建國公出就傳以震為贊讀遷中書舍人兼
翊善高宗曰天生朱震范冲為今日資善得人轉給
事中兼直學士院遷翰學會處州民為盜震曰使居
官者廉而不擾則百姓自安雖誘之亦不盜矣願詔
新太守到官之日條具本郡及屬郡官吏有貪墨無
狀者一切罷去聽其自擇慈祥仁惠之人有治効者
優加獎勸七年謝病丐祠旋知禮部貢舉尋卒贈中
大夫有易集傳易總說行世

何兌字太和東平馬伸者程門高第也兌為廣西提
刑簡法官伸撫諭廣南見而賢之奏為屬兌遂受伸

學靖康初秦檜為中丞伸為殿中侍御史虜令推立

異姓伸曰此天位也逆虜安得易檜始入議狀連名
書之已秦亦陷虜獨伸王臺事排日申張邦昌云伏
覩大金太宰相公權主國事未審何日復辟至康王
即位日乃止其後檜南歸檀掠靖康反正之功兌常
太息其事欲辯伸忠輒為其子所諫然私自為伸行
狀固在也通判辰州將受代忽夢伸衣冠與語如平
生喻其子曰馬先生英靈不歿有意屬我乎掛其遺
像哭之子鎬哀勸曰俟檜歿上之未晚兌曰不然萬
一我先歿瞑目有餘恨即手書一狀聞于朝云自太

師公相陷虜之後獨侍御史馬伸排日以復辟事申
邦昌且以所作行狀繳納檜怒下廷尉追捕甚急令
臺吏勒軍令狀棘寺以上書不實特追兩官羈置英
州檜死復原官歸至里門遇親戚相見喜馬公事得
白一笑病廢僅能食祠祿一年而已兌從伸師淑程
學得伸中庸之說踐習不懈以終其身鄉人愛敬以
中庸何公目之

鎬字叔京承家庭源委又與朱文公友善講辯精密
一意操存以父任補安溪簿未赴江西帥辟機宜再
調上杭丞治尚寬簡白罷無名征賦部使者鄭伯熊
亦君事不理繫者或至累月乃檄鎬佐其守鎬悉取

文書閱視白守決遣旬日都盡又以田稅不均貧弱
受病條說甚詳他所補助亦盡其力而守顧不悅鎬
即謝去循資調善化令將行卒鎬清夷恬曠廉直惠
和論經史時事簡易條暢一時高其學行多師尊之
有易論語說文公稱其可傳又有臺溪集數十卷

吳英字茂實從學文公有論語問答畧

黃適字景聲仕江西提刑以不附韓侂胄歸自號熙
堂野老

任希夷字伯起刻意問學爲文精苦弱冠登第調浦

城簿少從朱文公學文公曰開濟士也再調蕭山丞
開禧初主太常寺簿奏脩紹熙以來禮書累遷禮部
尚書兼給事中爲周濂溪程明道伊川張橫渠請諡
進端明殿學士簽書樞密院事兼權叅知政事尋提
舉臨安洞霄宮卒贈少師諡宣獻

饒幹字廷老自幼孝謹篤學登進士調吉水尉轉知
長沙適朱文公爲守遂授業焉夙興治事暇入聽講
後知懷安軍卒有爲之銘曰能琢磨而器吾之玉乎
則心皇皇如不足能烜赫而丹吾之轂乎則足縮縮
如不欲故樂也不加若性而污也不懼其辱是謂善
學朱氏者蓋不惟其名而實之篤

上官賁字濟叔爲浮梁丞郡以事送委平決得情陂
塘渠堰多所修築遷貴州推官致仕手不釋卷歲散
困禾以濟貧族

上官端義字方叔以蔭爲惠安簿催科示信民自樂
輸調袁州司法歲饑被委發糶直或不足補以已資
遷建安丞攝浦城甌寧二邑皆有惠政

俞聞中字夢達從學朱文公累知黎州悉意撫字民
夷感德

呂勝已字季克其先建陽人父社旣歿義勅葬邵武

之樵嵐因家焉勝已從張南軒朱文公講學文公爲和東堂九詠詩工隸書得漢法仕湖南幹官歷倅江州知杭州官至朝請大夫自號渭川居士

吳炎字濟之清介恬靜色粹而莊言簡而遠若甚和易而有毅然不可奪者開禧初自武學諭遷太學博士時韓侂胄擅朝炎乞外判建寧嘉定中知江陰軍陛辭乞復祖宗治賦吏舊法至郡寬征嗇用以其餘力葺郡學貢闈繕黃田閘溉民田改興化軍先教化崇禮遜賓興賢命樂工按古音譜歌鹿鳴之詩以饗之創立郡學曝書會士隸上舍者眎與已如同舍終

更奉祠卒劉克莊誌炎墓謂其出處與葉武子同

謝達字叔達嘉定中南豐令臨政嚴密姦猾束手邦人懷之

葉武子字成之初遊鄉學學周禮于永嘉徐元德既與李方子友同受學朱門後補太學生時議函韓侂胄首和虜武子曰奸臣首不足惜如國體何率同舍力爭嘉定中擢甲科注岳州教授有貧而母老者名在其下亟遜之久之授郴州累陞知處州拊循民瘼奏除苛取之弊麗水賊袁千六輩挺起郡發兵討捕而里正執讎民以歸武子問實得三人斬以殉餘釋

之民大服盜亦息處常賦外歛大家財克浮費吏胥
 推排視賂多少為高下武子奏蠲之因節公帑雜費
 市田待需入為宗學博士以福建保長催科害民陛
 對論罷之請老歸屬召不起尋落致仕籍除直秘閣
 嘉熙間進直寶謨閣奉祠仍乞致仕淳祐三年以其
 雅志恬退掛冠日久賜詔褒美特陞直龍圖閣五年
 進秘閣修撰六年卒武子之學所得於易為多其言
 曰易道莫大於時時有二義有在外之時有在我之
 時士君子出處須先論在我之時然後論在外之時
 嘗戒子弟謂身後毋作行狀坐無銘誌惟劉克莊誌
 吳炎墓稱炎與武子為古君子

葉采字仲圭初從蔡淵受易學已而往見陳淳淳以
 其好高妙少循序屢折而痛砭之自是屏歛鋒鏗駸
 趨着實淳深喜焉寶慶初為秘書監嘗論郡守貪刻
 之害理宗嘉納之
 杜杲字子昕父穎仕至江西提點刑獄杲以廕授官
 江淮制置使李珣羅致幕下滁州受兵檄杲提偏師
 往援金人圍城數重杲登陴中矢勇氣益勵卒全其
 城調江山丞兩浙轉運使朱在辟監崇明鎮崇明改
 隸淮東與總領岳珂議不合慨然引去珂出文書一

卷曰舉狀也杲曰比而得禽獸雖若丘陵弗爲珂怒
杲曰可劾者官不可强者杲珂竟以負蘆錢劾朝廷
察蘆無虧三劾皆寢淮西制置曾式中辟廬州節度
推官浮光兵變杲單騎往誅其渠魁安豐守告戍將
扇搖軍情且爲變帥欲討之杲曰是激使叛也請與
兩卒遣將諭之曰可持吾書詣制府將即日行一軍
帖然知六安縣徙知定遠會季全犯邊朝廷以杲久
習邊事推知濠州金衆數萬駐榆林阜請降輜重甚
富或請誘而圖之杲曰殺降不仁奪貨不義納之則
有後患諭而遣之又陳守境之利出師之害及兵敗
洛陽邊鬪遂開人服先見奉崇道祠再知高州尋改
安豐時元兵來侵杲已有備比兵退淮西以安進三
秩受將作監叅知政事徐榮叟謂丞相李宗勉曰帥
淮西無逾杜杲詔以安撫兼廬州進大府卿淮西制
置副使兼轉運使元將察罕擁圍廬州杲敗走之又
陳舟師扼淮河道其子庶監呂文德等軍伏精銳於
要害元兵不能進遂北歸累疏請老不許陞兵部侍
郎淮西制置使又除權刑部尚書淳祐元年乞去愈
力擢工部尚書遂以直學士奉祠又起知太平州尋
擢華文閣學士沿江制置使知建康府行宮留守節

制安慶和無爲二郡復與元兵戰真州敗之進敷文閣學士遷刑部尚書引見理宗獎勞乞歸不許親書安淮二字以褒之兼吏部尚書進徽猷閣奉祠請老升寶文閣致仕理宗思前功進龍圖閣而杲卒遺表上贈開府杲淹貫多能爲文麗密清嚴善行草急就章晚歲專意理學嘗言吾兵間無悖謀左畫得於四書子庶

庶字康侯侗儻剛勁通典故善爲文從父兵間習邊事未入仕已立戰功明堂恩補官元兵圍安豐兵將不相下庶調護得其歡心卒協力捍禦杲帥淮西時書寫機宜文字遷籍田令兼制機督幹監呂文德聶斌軍與元戰于朱臯白豕遷將作監簿通判和州權知真州大修守禦具差知興化軍奉祀鴻禧觀起知邕州改知潮州累遷知真州兼淮東提點刑獄踰年進直秘閣移淮西兼廬州安撫副使民歡迎如見慈父治蹟甚多就加刑部郎中升寶文閣與元兵戰於望仙白沙城升文華閣開慶元年冬進大理少卿淮東轉運副使兩淮制置司叅謀官特受兩淮制置使知揚州射陽湖饑民嘯聚庶曰吾赤子也遣將招刺得丁壯萬餘戮止首惡數人理宗諭曰前守合肥淮

右賴奠今界全淮尤藉聲譽父子家傳可謂無忝庶
益感奮以靖難保障爲已任明年四月火抗章自劾
召赴行在尋直寶文閣知隆興府江西轉運副使時
賈似道嫉庶剛正且忌其功能兵退行打筭法與向
士璧趙葵謝枋得諸閹臣皆累及妻子逮繫獄庶竟
坐死聞者冤之

危昭德舉進士歷官宗正寺簿兼崇政殿說書遷秘書
郎疏言國命在民民命在士大夫士大夫浚民膏
血爲已其腴民不堪矣進兼侍講條上厲民四弊乞
爲萬世根本之慮一時倉卒之防又乞察欣瘁休戚
之故酌利害損益之宜折衷泉貨使遠近便開通關
梁使商賈行下脩身奉法之詔使吏得自新出輸倉
助貨之令使民免貴糴室墨敕之門使官府無黜陟
之典止輪臺之議使疆界無彼此之分累遷殿中侍
御史諫作宗陽宮權工部侍郎兼同修國史實錄院
乞致仕特轉一官昭德在經筵時以易春秋大學衍
義進講規正甚多

吳季子字節卿篤學工文官至國子監丞所著有大
學講義

朱汝賢咸淳中令廣昌爲政有方愛民如子扁堂平

心謂心平不平而政之平不平隨之

黃去疾咸淳間宰將樂創龜山精廬為作年譜聚輯

簡冊政暇與學生講習其間

元進士

泰定四年黃清老

薦辟人才賢者雜見列傳中

有傳

黃清老 黃周

黃清老字子肅黃五經之後也通經博文累應奉翰

林文字同知制誥國史院編修官出為湖廣行省儒

學提舉學者自遠從之率多成就號樵水先生著春

秋經旨四書一貫數十卷詩存者數千篇有盛唐之

風

黃周字仲文父儀以軍功受建寧萬戶府鎮撫僑寓

建陽周英穎異常善書法工墨竹於書無所不覽元

季擢本邑令尋判邵武卒于家

皇朝科第

舉人 進士

子午卯酉屬舉人
辰戌丑未屬進士

洪武十七年甲子周文通

十八年乙丑周文通

周書

卷之三百六 英舊

七

司陳第

二十三年庚午吳言信

二十四年辛未吳言信第三

三十二年巳卯陳顥

永樂元年癸未花潤生 劉永賢 黃埜 王定

吳禔 陳子良 黃成宗 高誠舊志有洪武三十五年一榜致

是歲革除故元年開科而明年甲申會試

二年甲申花潤生 劉永賢 黃埜 王定 吳

風禔

三年乙酉鄧希寧 黃惠 張安

六年戊子吳璽 詹柅 許銘生 周賢生

九年辛卯魏達 朱滿 朱維禎 曾真保

十二年甲午黃克昕 官本 楊孟 官琚 李

得全

十三年乙未官琚 李得全

十五年丁酉上官祐 李居正 王靖 張先

朱莆 危繼 吳環 丘繼

十八年庚子黃子祿 謙敬 曾昶 黃瑛

十九年辛丑曾真保

二十一年癸卯曹泰復姓陳 王勉 李文禎 王廣

宣德元年丙午李惟恭

四年巳酉丘九思

十年乙卯龔敷

正統元年丙辰龔敷

十二年丁卯謝濂 徐溥

十三年戊辰徐溥

景泰元年庚午朱濬 上官肇和祐子 聞永 楊靖

虞孟

二年辛未謝熾 台州人寓居邵武

四年癸酉周灝 謝頰

七年丙子李富

成化四年戊子朱欽

七年辛卯甯堅

八年壬辰朱欽

十年甲午崔中

十二年丁酉孔經

十七年辛丑孔經

十九年癸卯羅紳

弘治五年壬子朱浩

十一年戊午危行

十五年壬戌危行

十七年甲子謝璠

正德二年丁卯朱瀚 堯瑄

五年庚午陳懷

十四年巳卯黃銑

嘉靖七年戊子米榮

十一年壬辰米榮

十三年甲午王錫

十六年丁酉王墳

十九年庚子何廷鈺

二十二年癸卯陳謨

二十五年丙午堯世美 朱栢

二十九年庚戌何廷鈺

三十一年壬子朱峻 徐美

三十五年丙辰何廷錦 順天中式

隆慶元年丁卯謝邦泰

四年庚午杜鍾秀

萬曆十六年戊子陳一鯤

十九年辛卯徐大紳

二十年壬辰徐大紳

二十五年丁酉袁繼愈 陳之美

二十八年庚子王洵方遇熙危純中

三十四年丙午吳嘉泰

四十年壬子高崇穀 解元

四十六年戊午高佐 米嘉穗 王拱昌 府學

四十七年巳未陳之美

薦辟人材貢士監生賢者雜見列傳中

有傳

吳言信 王 湛賤生 王 定 花潤生 吳璽

朱祐 上官祐 曾真保 陳泰 陳子良

龔數 謝濂 徐溥 朱濬 周顯

黃 珠 朱欽 甯堅 危行 黃銑

陳俊 鄭鳳 孫可大 徐樞 袁泰

吳從周 徐美 杜鍾秀 時瑞

吳言信以殿試第三人除翰林院編修 太祖

一日視朝罷與皇長孫議口占詔勅訓將練兵驗視

封疆險易造軍器務要精堅適用因謂奸邪難以口

舌諭召言信執筆聽命從事言信書畢 太祖

顧皇長孫曰諦閱之當使邊塵不起貽汝安也後靖

難兵起竟不知信所終說者以為舉家死難也

湛賤生洪武中以國子生拜岳池縣典史與令王佐

述職至京坐事下獄岳之耆民二十餘輩赴訴於朝
且言二人廉介有守愛民均役太祖命理官
勘問果如所訴遂特賜衣靴筵宴以旌之復官尋用
薦擢四川按察司僉事列名彰善錄

王定字彥文除行人以賢能加御史遣往遼東巡點
軍務獨持風裁聲振邊域人稱廉御史未復命卒子
孟榮給文奔喪其囊中文卷之外蕭然無長物

花潤生字蘊玉幼穎敏書史過目不忘知古田縣創
公署興學政教民種藝爲子弟置書籍親課其業轉

知鳳陽太和二縣歷浙江僉事吏部尚書王直薦其
經學通明轉提督江浙學政年七十引年歸行李蕭

然家居二十餘年風節愈勵自號介軒有介軒集

吳璽字信玉端敏謙厚永樂中自鄉薦歷試兵部擢
武選主事以才能爲尚書方賓所重旣以外艱去賓
特薦於朝乞起復治事制可之未幾陞郎中

宣宗朝擢戶部右侍郎於四方萬國之版圖人民
錢穀之多寡廩庾帑藏之虛實及國家經費出入盈
縮莫不窮究營度正統己未徙內庫勅太監洪保魏
國徐顯宗與璽董其事璽經理調度秩有條紀壬戌
秋外夷來獻馬邊將請增騎十示國威


英宗

問戶部馬之來幾何邊兵所乘幾何日用芻豆當幾何今邊郡所積當幾何果能足用否璽時以病在告同寅倉猝未能對

上以為大臣不事事下之獄連及璽謫戍威遠或謂曰公不可上疏求理耶璽曰本同事復何言若言是見已所長我不為也先是有柄臣以開中事來干者為璽所拒至是因以危法中之在威遠二年以疾卒吏部尚書王直為撰墓銘國子祭酒李時勉為撰墓表

朱祐字逢吉永樂間繇國子生授兵部職方主事廉能著稱出判紹興政有便民殫竭為之宣德癸丑大饑開倉發賑乃以上聞秩滿士民力章請留復任七年迨去老穉拜送塞途至有泣下者太宰郭資薦知漢陽府漢陽舊無官庾軍民渡江赴武昌支納時有覆溺祐奏請立倉漢陽以便之引疾致仕紹人聞之耆老十數相率赴闕請乞守郡比至京已得請矣

上官祐字用孚博問學工詩文諭新城擢弋陽命卒曾真保字文鼎知浮梁縣介直清慎宣德末中貴張善監造窰噐怙勢剝民真保疏其罪上命誅善示眾九載將考績里耆二十餘人詣闕乞留詔陞六品祿秩仍知縣事正統四年致仕自號樵溪漁叟



陳泰字吉亨以乙榜除安慶府學訓導薦擢監察御史累巡按貴州山西山東在貴州大軍征麓川歲取土兵二千爲鄉導將士或失利輒取土兵首級冒功賞泰奏罷之在山西會南北圻旱澇相仍下詔求言泰劾罷都御史陳智侍郎李庸祭酒貝泰御史成等又劾奏藩憲及州縣官之貪殘者悉置法在山東陳疏數千言大要以選賢去奸爲本擢四川按察使不踰年蜀中大治鎮守都御史寇深忌其才名陰諷所私叅議陳誣奏泰杖殺人下刑部獄其人實自溺水成久始白復官已巳虜寇內侵命協守紫荆關及巡視沿邊諸寨景泰改元陞大理寺右少卿守備白羊口轉都察院右僉都御史鎮守易州節制紫荆倒馬等關及沿河關口究心畫計虜不能犯甲戌陞左僉都御史疏理徐州呂梁二洪及臨清濟寧諸處河道丙子巡按蘇松常鎮及嘉湖諸大郡免租詔下泰知恩未得均有富室田多額輕其重者多在貧下因推廣周文襄法令以五升之田倍其賦而官田之重止取正額於是賦額不損貧富適均

英廟復

辟被譖左遷廣東按察副使連丁內外艱會四川寇亂復起爲左僉都御史巡撫其處蜀中老穉聞泰至

奔走相告曰陳憲使復來矣州郡望風解組者數百人陞右副都御史巡撫淮揚等處兼督漕運成化元年乞歸甚切許之泰儀度脩整天性孝友常慕鄉先哲李忠定之爲人平居謹默似不能言立朝論事纒纒如倒囊出珠爲御史時以搏擊得名風稜甚峻累保障重地積有勲勞未嘗矜色於官無行誼者怒目切齒必除之乃已以此被讒貶斥其志不少回致仕歸囊無長物閉戶理舊書間出遊山水哦詩酌酒囂然有餘安成彭文憲時嘗與莆田柯詹事論人物柯曰清操如吉亨吾聞少文憲曰天下士也何止爾中晉王亦稱陳御史剛風勁節須於古人中求之陳子良永樂間以貢任光澤教諭學規嚴整訓迪有方邑士以經術顯者多其造就

龔敷字時敏慎儀十九世孫繇主事歷官都轉運使常額羨餘月計可二千兩一切不取其友語之曰何自苦乃爾敷曰我常恥居官者動曰好官不過多得錢毫無爲民之意朝廷何賴有此臣以清正爲時所忌解組歸悉以常額羨餘封貯於庫其父不容入門執耒柄杖之跪而受焉

謝爓字世彰其先浙臨海人宋丞相深甫後也爓拜

監察御史時同官朱驥奏留湖廣巡撫李實德堪內
輔掌臺綱總憲謂爲間已叅以上言大臣德政罪當
斬爇鞫其獄止以奏事不實坐之掌臺綱者盛怒欲
併罪爇爇曰上言德政他官可擬若御史職在進賢
退不肖惡可緣此杜言路耶巡按遼東值都御史寇
純誣奏開元胡叅軍以軍情事連所部將士五百餘
人勅爇按之爇見衆心洶洶倡言欲殺純投北去爇
慮起邊患遂號於衆曰寇都欲爲汝害我獨不能爲
汝辯雪乎衆皆懽呼羅拜爇權宜發遣人心遂定乃
上章自劾專擅之罪時少保于公謙暨諸名卿大奇
之北虜老稚百餘過遼陽爲哨兵遮獲總兵焦曦等
欲希功繪圖馳約于爇曰繡衣同奏僉都可得爇報
曰欺罔要功吾不忍爲旣改南京御史勅清戎淮甸
鳳陽同知王姓者以贓污事覺懼訊夜遺數百金以
求免爇正色叱出竟置法爲御史九載論列百餘疏
皆切中機務成化中陞兩淮都運使一時名輔李炳
王宏輩深惜其去淮鹽利重販鬻率皆國戚中貴人
所占爇至一裁以法貴戚斂跡各場豪民有坐山虎
截港虎等號者素爲商民患爇皆設法擒戮又創獄
所設紙舖立義倉公私便之轉廣東左叅政有流寇

擁眾犯潮惠嫌選將授畧獲魁醜三百餘同事僉憲
追逮二郡民嘗從賊者將盡殺之嫌悉存活焉其奉
公執法存心濟人率多顛此

徐溥字仕宏任御史卒官陳都憲泰爲文祭之謂其
氣質剛方才華卓犖持節按郡揚清激濁風紀振而
吏畏其威理道公溥人遂其樂其人可想見也

朱濬字泗源以鄉薦卒業太學歷事內府承運庫所
與同事皆中貴人濬處之以正雖不見親厚亦不爲
忤既卒事授鴻臚寺序班仍掌內帑事以勤慎受知

英廟憂被賞賚滿九載陞光祿寺錄事謹出
納杜姦欺百凡供應比舊加省秩滿引疾乞休二上
乃允還家杜門不預外事

周灝字秉純除海鹽令善摘奸發伏民有因貧背婚
轉屬豪族者訴于灝灝助之金必令成婚豪不敢爭
邑苦徭稅灝議均賦法遂減其半入上計有署邑者
失其庫藏倉皇不能白獨懲監守者灝善觀數有犬
母子交口而觸其席灝閱宿單有直獄黃廣者召鞫
之立招遂坐之署者問故灝曰余詢間有二犬交口
者獄也子凌母者獄卒也犬觸席者廣也故閱單得
黃廣人服其神灝存心平恕清獄寃者輒釋之有不

可釋者縱使歸家與之約無不應期自至守有不便於民諍而忤之勿顧蒞海鹽三年清介如一日都給張寧讚其一介不取擢松江府同知未赴任卒

黃琮字廷獻以太學生知安遠縣廉謹靖恭以愛人為王被構逮繫未白而卒民哀慕之琮自少即志為已之學繩趨尺步不苟徇時事親盡孝居喪謹禮與人交誠信不欺教人先德後文一時造就為多

朱欽字懋恭少與甯堅友共志考亭學聞吳康齋倡道西南不遠師之舉進士授寧波推官潔白自持讞獄惟允寧波田數患潮湧欽力築它山堰以殺潮勢召入為御史論列侃侃斷命視河遇澇災輒發陳賑

乏見尸橫野堀廣塚掩葬之旋勅巡按會吏望風解綬出為浙江按察副使進按察使陞左布政使儼恪端莊官常整肅節濫觴之費謹啓鑰簿正之司秩祿外秋毫無苟取積羨財倍宿昔勒石以示後來擢都御史巡撫山東首劾方面官不職若而人正德初逆瑾氣焰遣使請治索絲繒五百疋有司具以請欽呵斥使者輒趣歸遂與瑾隙會瑾嫉同監王岳譖謫守陵南京抵臨清賜死欽疏言 陛下首政朝野

仰望威福之權不宜下移刑賞惟公方能即叙太監

王岳謫守

皇陵既不自白其罪狀賜死中道尤

未厭乎人心臣諗岳爲劉瑾所忌必瑾讒毀以惑

陛下雖岳死弗足惜而瑾漸甚可畏伏望察岳

非辜誅瑾讒賊度天下臣子頌

陛下之仁恩

睿斷草就遣人齎進有止之者欽曰此瑾矯制擅柄
之漸吾守土大臣安得無言瑾奪欽疏不奏乃媒孽
其短欲擠之先是欽以東人酣酒遂嚴鬻酒之禁至
行連坐法使濟南推官陳元魁覺之犯者枷其項有
民汝林之隣人爲酒林懼自縊死林母欲奏聞元魁
與之十金知府趙璜亦與穀二石至是爲東廠所詞
瑾勅錦衣衛百戶陳俊東欽逮獄欽即去冠裳跣步
就東立就道不內顧既入京師結竟其罪與璜同坐
免官而元魁爲謫戍吏以失解弓張事罰粟三百石
輸大同府欽躬詣互納家人請代不許曰天威咫尺
萬里敢罔耶尋又文致其罪罰粟輸甘肅未行而瑾
伏誅赦復原秩致仕卒賜祭葬欽家居衣冠儼坐竟
夕無惰與鄉人語必依孝弟禮義每歲孟春舉行冠
射古禮示人與新會陳文敬獻章晉江蔡文莊清相
友善作文典實詳贍善書有晦翁風骨所著有畏庵
集

甯堅字永真九歲補弟子員師事黃琮弱冠遊吳聘君之門比壯領鄉薦屢試禮部不偶卒業太學大司成丘文莊器重之年五十授鳳陽府同知未及再期卒堅早失怙事母至孝母有疾視起居奉湯藥夜則假寐母側衣不解帶家居講授善開發人志意從遊之士多所成就所得修脯悉以歸母與弟共之尤致力喪祭鄉射諸禮一時風俗爲變其蒞官寬而不縱正而不激嘗以巡撫大臣檄督開高郵湖畔新河區畫有方功成不擾鳳陽民思之

前令以誣坐貶行至堅持清苦民有訟曲爲講析徵輸贏餘一介不取會直港賊至以計收捕三年擢監察御史兩折權貴獄奉命巡江時劇賊繇黃之屯峯逸于江剽掠殺戮行力疾強起視軍事卒于官平生孝友俸入悉以供先世營葬兄弟同居垂四十餘載爲御史時逆瑾羅織縉紳遭罰贖甚酷貸而後能輸歿之日囊餘七金棺歛之費皆同官營助子麒郡庠生有士行

黃銑授中牟令剛介不諧歸家環堵蕭然惟以琴韻自適郡守吳國倫重其人數造廬請焉

陳俊嘉靖中以選貢入太學知崇義縣有清操境內盜賊屏息又捐俸闢兩嶺路民爲謠曰高不戲曲不危陳侯功與山齊歷判饒瑞惠三州在惠州出奇擒巨寇熊轉二散其餘黨以功陞雲南府同知攝曲靖篆有聲尋乞致仕林下焚香燕坐杜門不出

鄭鳳嘉靖中以貢爲萬州判民素苦牛嶺黎鳳爲建六議行之海境獲安陞南京東城兵馬孫可大

可大字居業性至孝蚤失母事父不離寢食父卒事祖亦如之萬曆中以選貢授惠來令力行教化政多異蹟建議清鹽商人祀之會歲禮禁販糴發賑貸子活饑民邑多逋寇一時屏息

徐樞嘉靖間授鳳陽府通判以憂去服闋補雷州所至有聲工書法喜吟咏年八十餘

袁泰嘉靖中以貢爲翁源令時賊首盧老叔倡亂泰以計招撫老叔素知泰長者遂聽命及來謁壯其狀貌更任用之羣盜悉平

吳從周字宗文賦性剛直有雄才喜讀古書凡三教九流六韜三畧無不攻習于兵法尤精以貢授慶元訓導嘉靖四十一年署邑篆賊首劉大眼攻城甚急從周與把總桂汝攀合力制敵連七日夜不懈敵遁

去以城西北當山之下敵易窺淺深改築新城六十餘丈於山上慶人命曰吳公城擢國子學正乞致仕所著有備倭議左傳兵法綱目武覽居官仰鑑若干

卷

徐美字忠甫隆慶初以舉人知連州廩俸外纖介不私一夕微行有二婦張燈相謂曰清哉燈油有若邑令旦召詰之曰爾言令清果何徵耶婦曰闔郡皆云不獨二婦山寇陳龍洲掠連陽二邑戒其下毋犯賢太守境美曰一赤子也躬往招之遂降其衆數千

擢承天府

未赴卒連人無大小咸哀之

杜鍾秀字德毓授黃岩令慈祥豈弟潔已愛民縣東

官河宋築有永豐二閘時啓閉備旱潦民甚利之嘉靖間海寇猖獗跨河成城堙塞未復秀捐俸數百僦工濬淤鬪石爲門不憚寒暑竟成厥事時三大旱虔誠三禱而甘雨沛然隨應以丁艱補岳州判陞知儋州所至有惠聲蒞任未幾解綬南歸清介自守絕跡公門

時瑞爲人高穎有操氣概超絕以明經恩選長沙府通判有大盜何震東者肆行劫掠累家巨萬寅緣當道人莫誰何瑞廉得其情捕之當道授以意令釋之

弗聽盜陰以千金賄瑞瑞佯許誘其來見卽擒而杖殺之及諸貴人書至則無及矣以此忤當道意遂棄官歸瑞居官三載清正果斷執法不撓一文不取人或嘲之嘗解以吾自有寶要錢何爲歸之日行橐蕭然不改寒素未幾疾卒

邵武府 光澤縣

宋科第

太平興國八年癸未李巽

慶曆二年壬午李誥

六年丙戌上官拯

嘉祐二年丁酉上官基

八年癸卯李詳 巽弟

治平四年丁未上官裕 基子

熙寧九年丙辰李深 誥子

元豐二年己未上官敦復 上官行 拯孫 上官公穎

基子

紹聖元年甲戌李勉 深弟

四年丁丑吳璋

崇寧二年特奏名 李階 勉子

紹興五年特奏名 李純德 誥孫

十八年戊辰黃克仁

淳熙五年戊戌黃渙 第二人

紹熙四年癸丑李文子

嘉定四年辛未李闕祖 李壯祖 闕祖

七年甲戌李方子 文子

薦辟人材賢者雜見列傳中

有傳

李巽 李誥 第詳

勉 勉孫階 郁 孫純德

玄孫闕 壯祖 方子 文子

上官拯 上官基 吳瑋 黃克仁

黃渙

李巽字仲權博學能文有土鼓等賦郡人登第自巽始為江西提刑明恕第一遷兩浙轉運使與王禹偁

善

李誥舉進士官至太常博士陳瓘稱其真率樂易有古人風第詳子深孫純德曾孫呂玄孫闕祖呂見常

布

詳字自明幼警悟善屬文議論純正知潯州立學校革夷俗遷太僕丞

深字叔平舉進士調濟陰簿歷鄱陽遂平二縣以清慎稱召爲編敕所詳簡役法文字與蔡京章惇廷爭奪一官已叙復遷朝散郎陞辭以言事罷崇寧中安置復州入元祐黨籍四年移建昌軍改青州五年復官有杭州集二十卷第勉子階郁

勉字安道舉進士知尤溪順昌二縣素負氣節多忤於時遂謝事休致亦入黨籍

階字進祖崇寧二年禮部第一特奏名安忱對策言使黨人之子魁南宮多士無以示天下遂奪階出身

遇赦復官調鹽城尉建炎初攝臨安府比較務州卒陳通脅叛階叱之遂遇害事聞贈右承事郎與一子官

郁字光祖少從舅氏陳瑩中遊踰冠見楊龜山請業龜山竒之妻以女初郁聞龜山之論退而求之不合乃獨取論孟讀之不懈久也渙然有得龜山歿以其學淑後進嘗語學徒曰聖賢遺經讀之又讀而於無味處益致思焉至乎羣疑並興寢食不置然後當驟進耳陳淵稱光祖之學口日俱到未見其比紹興中以遺逸薦召對陳當世大務高宗改容傾聽除勅令所刪定官不久憂去旣免喪以秦檜用事築邑西山

以居家計屢空曠然不爲意久之辟福建帥府機宜
文字日訪民情休戚利病以告其長而罷行之一日
帥用小人言欲毀民居數十爲列肆酤酒以牟利郁
白其非便帥不悅郁卽移病告老帥悟慚謝郁爲強
起卒于官郁天資粹美涵養有方事上以恭御下以
嚴平居不惰誨人靡倦兄階成賊事嫂如母恤姪如
子其於世務人情官政文法靡不習知朱文公表其
墓惜其未究於用所著有易傳叅同契論孟遺橐

純德字得之少治周禮兼左氏春秋爲文簡古諸第
嘗問善人之道曰臨事而無陰據便利之心邑嘗以
民兵屬純德爲制戰陳擊刺之法以時閱習甚有可
觀令欲以聞冀其勲賞純德笑謝之紹興五年以特
奏恩將入奉廷對先卒朱文公銘其墓以好德有常
之士稱之

閔祖字守約父呂見常布閔祖早受家學已與其二
弟從學朱門篤志強力精思切論舉進士調臨桂簿
提刑方信孺漕使陳孔碩咸咨以决臺事暇日詣學
與諸生講解士習丕變辟古田令改廣西帥幹勤慎
明恕諸司論薦改秩未赴卒黃幹李燔張洽陳淳皆
敬重之有問答十卷弟相祖壯祖相祖見常布

壯祖字處謙與閔祖同第調閩清尉初至求教朱文公文公為語為學之要真德秀嘗以典刑人物薦之

方子字公晦呂之孫端謹純篤初見朱文公文公謂

曰觀公為人自是寡過但寬大中要規矩和緩中要

果決遂以果名齋居家竟日危坐對賓客一語不妄

發舉進士調泉州觀察推官真文忠為守稱其學邃

氣平本經術明世事每有大事必咨決之秩滿不肯

援故事通書廟堂久之始除國子錄將選入宮僚不

少貶以希合或指為德秀黨論罷之既歸學者羣登

其門嘗語人曰吾問學未能周盡幸於大本有見此

心常覺泰然若得真實務學之人發明綱領斯道庶

幾不墜耳起通判辰州尋卒寶慶二年德秀官樞密

與尚書袁甫取其所著禹貢解以進特旨授朝奉郎

致仕與一子恩澤元虞集稱方子於朱學確守不變

所謂毫分縷析致知力行蓋終身焉第文子

文子字公謹亦從朱文公遊歷知閩潼二州吏譽謫

然持麾蜀中二十年以道學倡人宗仰之

上官拯字公濟舉進士調建寧丞聽訟明敏奸黠無

所肆遷上杭令亦有政聲孫行知解州號令明信

上官基字子固知將樂縣操履有稱會寇起募邑人

廖恩熾焉

吳璋字南玉知韶州蠻夷從化子南老有孝行知廣

州孫漢傑以廉直稱知賀州

黃克仁字已任舉進士陳書萬言忤時相歷守真化

雷三州

黃渙字德亨父敦義以六經教子七子皆有成立渙

志篤學博嘗從呂祖謙遊守岳州罷厨傳蠲魚糶捕

淫巫治績甚著兄謙字德柄亦游朱呂之門

皇朝科第

舉人 進士 子午卯酉屬舉人

洪武十七年甲子黃伯珪

十八年乙丑黃伯珪

三十二年巳卯黃寧

永樂三年乙酉黃迪 官冕 黃勉

六年戊子周仕能


十二年甲午黃正 高用 江禮初

十五年丁酉侯端 官銘

十九年辛丑侯端

二十一年癸卯傅璿 朱光顯

宣德十年乙卯高敬



正統六年辛酉李舟

九年甲子危俊 鄧敬

正德八年癸酉金山 廣東中

九年甲戌金山

萬曆四年丙子鄧秀實

二十五年丁酉何本盛

二十八年庚子朱應芳

四十六年戊午鄧應淳 秀實子

薦辟人才貢士賢者雜見列傳中

有傳

黃子孟舟 危 孚 官 懋 高 巒 李 性

吳文茂 郭 冕 蔡天爵

黃孟舟 國初以材幹授江浦巡簡宣德初應求

賢舉擢慈利令廉能謹慎愛民如子卒民肖像 立祠

危孚字克誠永樂四年貢士令慈谿知桂陽州俱有

惠政性至孝在任分俸養親歷二年聞母病疏乞致

仕年四十餘卒

官懋天順間以監生知景寧縣 有 靜明敏政事 序

高巒成化中以貢知陽山縣修葺學舍積稻備凶廉

介有為百廢具舉

李性字昭衷居家孝事二親成化間以貢任烏程丞
乞歸未幾母喪哀慟過情相繼而歿

吳文茂正德間以貢歷瓊山保昌二縣丞告歸捐數
百金爲邑人建橋梁者二出粟濟貧捐棺送歿邑人
利之

郭冕字宗周萬曆四年貢士家貧苦學竭力事親父
病漏腮親吮膿血日夕祝天願以身代三仕教職陳
情歸養者數四母患目舌舐之迨卒號泣幾不能生
當道表間給廩帛旌異

蔡天爵萬曆中以歲貢任惠安訓導坦易謙冲補贊
一無所問卒于官邑無知不知咸哀憐焉

邵武府 泰寧縣

宋科第

寶元元年戊寅蕭汝翼

皇祐五年癸巳葉祖誼

治平四年丁未蕭汝器

熙寧三年庚戌葉祖洽 狀元

六年癸丑鄒棊

紹聖元年甲戌鄒括 棊第

元符三年庚辰蕭韶

崇寧二年癸未葉允

宣和七年乙巳釋褐 黃應南

紹興五年乙卯黃庚

十二年壬戌江廷賓

慶元二年丙辰鄒應隆 狀元

五年己未蕭舜咨

嘉泰二年壬戌鄒應麟 任亨之

開禧元年乙丑鄒應博 應隆弟

嘉定元年戊辰鄒恕

寶慶二年丙辰趙維夫

薦辟人材賢者雜見列傳中

有傳

鄒 棐 弟括 葉 允 黃應南 鄒應隆

從弟應博 蕭舜咨

鄒棐字堯叟仕終宣城令少有文名工詞賦比壯游四方從中山劉彝為學浸灌六經穿貫百氏各得其宗其蒞官雖雜冗必盡力而處之裕如楊龜山聞棐名晚得從之遊其卒也為哀辭哀之弟括

括字仲發知寧化縣建學訓導以恩信懷犷悍民後知亳州適蔡京當國退閑二十年李綱在朝書勸之

出括亦謝之

葉允字夢授性方重知建康營行宮民不知擾遷江南西路轉運使有治績

黃應南字南仲歷湖廣江浙提刑舉動襜整俸祿外一介不苟時稱中興廉吏之著

鄒應隆字景初舉進士第一端重夷曠手神峻邁髻齧如成人出入里巷間瞻眎步履率有常處弱冠習春秋家貧無書手抄三傳其學有得於孟子不動心好善優天下之說初擢秘書出知南安軍召爲正字

遷校書郎兼實錄院簡討官遭父喪徒跣扶親歸服闋仍校書郎改著作兼資善堂直學士侍書開禧初

兼直講遷起居舍人及玉牒所簡討官與韓侂胄不合以龍圖閣出知贛州建慈幼院收養不舉子括諸邑通租贍焉寒暑疾病襁負盥櫛各有掌者所全活甚衆明年除江西提刑兼郡事侂胄誅擢中書舍人兼太子庶子嘉定元年夏假戶部尚書克金賀生辰使回具言虜主望之不似人君其國必亡除詹事書舍人二年兼權吏部侍郎給事中兼詹事右庶子言事直切遂以待制寶文閣知泉州以賈胡簿錄之貲請于朝大修郡城即明倫議道堂開六經閣造石

橋於筍江下流長百五十餘丈時南內宗子商於泉者多橫應隆以法繩其稔惡者造謗相撼殊不顧五年因祖母喪乞祠以待制龍圖知建寧既得祠尋除寶謨閣學士知池州值歲歉減兵餉賑饑民與總司忤九年進直煥章閣經畧廣西平黎州盜及邕蠻之亂誅首惡縱脇從十三年進直敷文閣帥湖南以母喪歸值邑水災自發粟賑濟理宗即位首召不起寶元改元除工部尚書入見論金虜利害稱旨改刑部侍郎知貢舉數月以敷文閣學士再守贛言者迎合論之即丐祠家居凡八年紹定二年秋汀寇作避地鍾山告急於閩帥兵不發乃聞於朝請以淮蘇平之及還里以墓墳召鬻乞致仕不許俄州兵亂土豪負怨者相圖禍逮平民因為具牛酒解之端平初除顯謨閣學士知太平州言者即前寇事攻之仍奉祠去理宗詢其動靜拜禮部尚書五辭始入覲時郊祀雷雨因陳恐懼脩省主器之說且辭錫賚未幾請去弗許仍命修玉牒兼侍講值北邊有警疏十事極剴切進經筵官勸講有法嘉熙元年陞端明殿大學士知樞密院權叅知政事舉賢才抑近小夙夜以天下為念屢以老請適諫官有言即日就道朝廷遣中使諭

止之竟不復乃授資善堂學士沿海制置使亦不拜
歸林下徜徉泉石之勝理廟親書南谷二大字賜之
屢召不起加太子少保光祿大夫賜紫金魚袋開國
公食邑三千九百戶食實封三百戶卒贈少保賻典
有加應隆自魁天下至叅大政未嘗以得位爲悅累
值權貴勢焰薰灼未嘗少屈處心簡靜不求人知立
朝有論列皆削其橐所薦引士並登顯要履歷州郡
利興害除嘗抗疏請留真德秀魏了翁爲當路所忌
再諷言者擠之亦不自辯賴朝廷知信卒保其終從
第應博

應博受學于廖德明寶慶中監行在都進奏院奏對
引書危微精一以朱熹之說進嘗知婺州蘇州提點
江南西路刑獄爲真德秀所薦

蕭舜咨仕終江西提刑剛介特立所至有聲
元 科第無考

黃元實

黃元實字廷美嗜學凝重動循矩度天曆間試浙闈
乙榜授郡文學以剡薦未授而歸至正癸巳邑有妖
民爲亂令廷元實議討賊計賊奄至遂遇害女貞奔
哭罵賊賊殺之

皇朝科第

舉人 進士

子午卯酉屬舉人
辰戌丑未屬進士

永樂三年乙酉蕭吾義

六年戊子李兆 楊善榮

九年辛卯王賢 鄒勝安 梁福慶 黃清

十二年甲午李紹宗 伍寧 王禴 黃端 李

義 貢士應
天中式

十三年乙未李紹宗

十五年丁酉黃回祖 范永昭 誤作危
永照 蕭能貴

十八年庚子蕭胤 一作

宣德七年壬子余智 建德學

八年癸丑黃回祖

正統三年戊午鄒允隆

六年辛酉陳秉中

七年壬戌鄒允隆

景泰元年庚午阮肇

四年癸酉葉茂

成化十年甲午江福

十六年庚子梁嵩

萬曆二十四年丙午江日彩 李春燁

三十五年丁未江日彩

薦辟人才貢監賢者雜見列傳中

有傳

何道旻 梁禮 李紹宗 李義 蕭胤

鄒允隆 徐宗靜 蕭永泰 李孟誠 蕭熙

雷昂 馮鑑 蕭重熙 江一龍 李純智

何道旻字伯清洪武末擢大理評事讞獄多平反有

強盜疑獄久不決 高廟臨問責理官受賄道

旻犯顏力爭竟白其事遷監察御史持節照刷四川

文卷及問齊邸謀叛事皆稱 旨陞江西副使賴賊

陳平為亂討戮渠魁釋其誣誤移湖廣建言時事得

失皆見嘉納後坐事免官永樂初起廣東按察僉事

首奏黜憲使貪墨行部雷陽修復壞閘溉田七十萬

頃尋督工匠營造北京凡六寒暑病者與藥死者與

葬宣德初陞知永州府遇事躬親處畫吏不能欺民

以不病再期請老道旻姿貌光偉聲音如鐘介持若

不可犯至其仁心愛物藹然可親宦遊四十年敷歷

中外清白著聞所在有績

梁禮字敏和通五經洪武六年以儒士任本邑訓導

陞沙縣教諭

李紹宗字仕遠授監察御史奉命視海南珠戶逋及
巡按山東山西遼東所至皆有聲績宣德二年擢浙
江僉事明決仁恕平反冤獄丁內外艱歸行李蕭然
素貧自甘服未闕卒

李義領鄉薦任肇慶教授明經博學士多造就

蕭胤永樂中以貢士任柳州教授爲人端謹穎敏嗜
學

鄒允隆名昌以字行博學多才舉進士授太常博士
陞寺丞改太僕丞天順改元與翰林侍講學士王諫
並使安南時安南經黎季犛之變久昧朝儀允隆與
諫據禮裁正夷酋悚服還復命丁外艱服除仍丞太
僕尋轉廣東提學僉事教諸生以立身行道不徒習
章句文詞而已尋卒

徐宗靜蚤歲失怙奉母力學正統中以貢知崇善縣
陞河池知州歷宦清澹緣以訓俗著有敦本八議

蕭永泰以胄監授廉州府推官先是流賊旣破廉城
尚嘯聚山洞間爲患當道使永泰往撫永泰直抵木
頭等洞諭以禍福賊四千餘人皆投戈復業居六年
陞濟寧州同知致仕莫聰贈以詩曰誰云林下一人
無眼底賢哉此大夫隨我入山清侶鶴任他世上媼

如狐歸二十餘年鄉人稱其高節子貴用繇貢仕紹興訓導有孝行

李孟誠天順甲申以太學生授廣東長樂令時兩廣徃徃剽掠抵縣躬率民兵奮殺未幾以憂去改仁化長樂民祠祀之狀事以聞詔賜祠額曰褒功

蕭熙弘治中以貢任龍川知縣簡默恬退歸休二十餘年不通邑子書

雷昂嘉靖中以選貢任歙丞廉介守法兩署邑事爲民節用不媚事上官郡守嘗有貴客欲盛具待之昂草野進在邑五年清白如一日僚吏咸嘆之曰徒自苦耳丞貳格無顯仕守此欲何爲耶陞府經歷

馮鑑嘉靖中以貢三任教官終韶州府教授事母至孝心行稟古所至端楷爲多士師

蕭重熙生平砥行希蹤聖賢以選貢令靖安地苦賊而民疲多方綏靖以艱子乞休空橐而歸餽粥不繼

江一龍以貢任榮府教授髮年能孝四十喪偶不再娶歸林惟率諸生講學集縉紳續志而已壽九十

李純智以恩選任溫州通判仁厚正直人稱慈母以宦餘立田祭祖仍置田祀兄

邵武府 建寧縣

宋科第

治平四年丁未謝調

熙寧三年庚戌李紳

元豐五年壬戌謝皓 調孫

紹聖元年甲戌謝黻 調子

四年丁丑李師曠

元符三年庚辰王防

紹興十八年戊辰王人鑑

二十一年辛未劉孝恭

二十四年甲戌張敦義

二十七年丁丑丘哲 趙汝舟

乾道二年丙戌俞豐 魁廣南 漕薦

紹熙四年癸丑張壽

嘉泰二年壬戌張汝明 一作謝

嘉定四年辛未劉剛中

十六年癸未廖復之

寶慶二年丙戌趙崇游

紹定二年巳丑丘登

淳祐元年辛丑連翼之

十年庚戌吳西

景定三年壬戌余凭 趙良砗 謝煥 謝廷薦

咸淳四年戊辰張朝英

薦辟人才賢者見列傳中

有傳

謝 調

子黻

孫皓

王人鑑

張敦義

丘 哲

侄翔

俞豐

張汝明

一作謝

劉剛中 廖復之

謝調字成甫聰穎絕倫皇祐中郡守宋咸親程諸生

之文聚于學宮常千餘人調年十四五試皆第一既

冠舉于鄉第進士調臨川令戢譁健省追呼人謂之

謝水壺又謂之謝銅釘言其清且剛也復宰清江歲

饑發粟出賑當除夕家人以書趣歸批紙末云歲節

不歸第不飲數十盃酒耳令不飲也而民失食二者

孰先後後守汀州累贈宣奉大夫子黻姪皓

黻字彥章七歲為論語解年十二侍父清江郡守聞

其才命為廳記一見驚異登進士授宣德郎除提舉

河北常平因改鑄大錢一當十黻言誘民為奸利舊

錢且盡不可蔡京惡其不附已出通判虢州未至責

監漳州稅出納惟謹漕使行部謂曰公嘗供奉赤墀

何躬行筦庫事耶黻曰乘田委吏聖尚勤思黻敢憚

勞後通判潭州繼除吏部郎中復通判潭州改興化軍以親老奉祠後除知和州改建昌軍未赴以王客召借太常少卿接伴高麗使卒年八十四

皓字德夫一字商老幼孤受學于調痛自刻厲至忘寢食既冠入太學與游權老龔吉老齊名時人目為三老登進士調南劍司戶歷瑞洪二州司理獄無苛留吏不敢欺改知歷城以政績聞除荆湖路提舉尋除運判召對改兩浙通判擢金部郎大觀三年遼使至要索無藝接伴張閏等不能對徽宗命皓代之既還以對語錄奏徽宗入悅曰明年卿可復使乃借太

常少卿克賀正旦國信使既至虜待之甚厚及宴射一發破的虜王駭服既還凡北界山川地理名物虜中情狀具條以聞遷司農少卿出歷建昌南劍絳州三郡考績皆最親舊有謁者皆輟俸贈之且曰吾平生不以公事作人情嘗誨其子弟曰居官持公廉二字足矣請老奉祠卒年八十

王人鑑字克明博學能文人目為策虎官至判州贛

張敦義字行可尉醴陵以廉能稱調衡州司理多所平反有尉獲盜未應賞格乃羅織平民克數敦義被憲檄閱實得狀憲與尉同里怒其不為尉地欲劾之

敦義曰天可欺乎吾寧以一官易數人命秩滿以通直郎致仕

丘哲字元明清脩苦學爲汀州司理以通直郎致仕

姪翔

翔字元鳳博學能文仕至梧州教授卒有食芹集
俞豐字應南尉建陽捕盜當賞不受曰是利民爲盜也樞密劉珙聞而器之再調柳州教有危教授舉者以衍聖公女爲妾豐謂曰師儒風教所關聖人之後可爲妾乎時張栻爲帥亦以諭舉遂得適士人繼辟

四川茶馬幹官買馬增舊改秩宰濠陽以惠愛聞諸司薦擢陞朝累遷司農丞稽覈財用出入俱得其實

孝宗嘉之出知秀州先是郡務及公庫醞酒例有所謂効力酒守倅而下各分送有差多至千瓶少亦不下一二百又郡所管犒軍庫十一所每年見錢八萬貫多爲官吏侵漁豐並條奏罷免之於是歲課增羨至百萬緡晁聞召赴行在除金部郎繼除浙西提舉改浙東提刑就除直秘閣又除太常少卿時光宗晏駕懿宗梓宮亦未發金臺議禮先後不決豐引聖經先輕後重之語爲證議遂定累遷中書舍人繼除吏部侍郎隨才授任有資格未應者雖親舊有求亦悉

拒却一日入朝見蘇師旦在班趨之者眾即浩然有
歸志遂引年求退除文華閣待制奉祠歸卜築雲谷
號雲谷老人謝饒仁常志其出處之跡繼於漢二疏
唐白樂天宋之范蜀公間居十年除中順大夫

張汝明

一作謝

字晦叔舉進士兩調民曹繼辟宜章令

邑有大盜號飛虎汝明結以恩信遂伏調馭又有神
曰武靈侯廟有神老數十輩倡妖言惑眾每歲迎奉
謂不樂從橋必涉水以濟入邑令必避堂居之否則
大災邑民惑焉兩軍至有爭祭而交兵者汝明於神
來時亦自出郊迎之諭眾曰神欲人安從橋則安又

言令與神分理顯幽神寧可憇公宇宜居寺舍祭在

誠不在物其以蔬菜奠神老不悅謂必大災汝明置
神老于獄語之曰災則焚汝以謝民皆泣拜具伏邑
亦無災民惑遂解後判漢陽軍時行公田法躬閱四
郊雨雪不改稅均一路嘗辟為漢陽錢監董築黃州

城建議齊安城外磨旗山虜至可瞰城中請築外城
環之齊安民賴焉再辟因川餉幹卒于道

劉剛中字德言少慷慨力學好為文詞喜莊荀楊書
及登朱文公之門遂篤志正道文公為易其字曰近
仁與黃幹切磋友善既歸築室講學號曰琴軒遠近

人士翕然從之兩薦於鄉舉進士調漢陽簿再調蘭溪丞卒有述師友問答一卷

廖復之字仁叔初調阮陵簿再調陵水教師使董規愛其才俾攝宜州倅適幹腹有警命復之往南丹結約羅蠻即日就道諭以大義諸蠻翕聽方列薦于朝未遂而卒

皇朝科第

舉人 進士

子午卯酉屬舉人辰戌丑未屬進士

洪武二十九年丙子程冕

建文元年巳卯吳琬初領閩薦因違官程黜為江夏

二年庚辰吳琬

四年壬午李普安

永樂六年戊子張誠 余隆

七年巳丑張誠

九年辛卯官望

十二年甲午黃原昌

十三年乙未黃原昌

十五年丁酉張義

十八年庚子謝信

二十一年癸卯謝顯

宣德七年壬子余智

正統十二年丁卯黃瑞

景泰元年庚午董英

四年癸酉胡昇

天順三年己卯余志應天中式

八年甲申進士余志先是七年癸未春二月會試
場屋災 詔移秋八月至是

春三月
始廷對

成化七年辛卯李夔

十九年癸卯吳綱

弘治二年己酉余師

三年庚戌吳綱

十一年戊午余相

正德十四年己卯李寧

嘉靖八年己丑李寧

薦辟人才教貢監賢者雜見列傳中

有傳

曾伯輿 謝子才 吳琬 余隆 子志

黃昌 張誠 黃原昌 余靖 董英

吳綱 李寧 第賓 宋子平

曾伯輿養志山林行脩學進洪武三年舉明經署儒

學事卒于官有鳴缶集

謝子才博通今古恥隨流俗洪武十九年舉明經任

儒職卒于官

吳琬字德圭仕戶部員外操履清約公餘惟經史是

好卒于官

余隆字孟高聰敏慷慨仕吏部員外郎居官恬退自

守不履豪貴門少師楊文貞楊文敏先後冢宰蹇義

及師達黃福皆器重之子志

志字志學官刑部主事陳備邊事二策為人豪邁有

言其罪者

憲宗察其非辜寘不問同時被誣

得釋者皆不敢辯詎志獨上言臣自弱齡留心載籍

伏見異代臣工遭逢世主罔不砥節懋勲流芳後世

心竊慕焉雖知類通達不能仰追古人然立志堅定

亦不敢苟以自棄不意異已者反以不自脩飭虛被

臣身聖意優容固為大造然小臣私誼實有未安倘

臣言非臣不宜再厠班行若臣言是乞置對辯白於

是皆下吏再鞫具得實狀乃斥黜言者志亦出判廣

州安輯流民三萬口丈田增稅四千餘石滿考陞知

石阡府夷民安之

黃昌字順德繇太學生歷象州六安二州同知所至

鋤強伐暴興學勸農陞光祿署正以老引歸
 張誠字自明任監察御史用法平恕遇事敢言巡歷
 交趾彈劾鎮守大臣及中貴之不法者繼巡浙江湖
 廣所至有聲

黃原昌舉進士為人持重有氣節宣德改元以行人
 頒詔占城夷昧朝典原昌講明新朝之禮君長叩首
 請罪贈以金帛奇物悉却之復命入對 上悅

陞戶部員外郎時奔競風熾原昌恥隨流俗請歸

余靖字又安豁達多識繇國子生知武定州再知鄭

州撫字多方剗治有聞滿考百姓苦留命復令其

董英成化中知興寧縣和易近民裁決穎利前此縣

中供應皆出於民英一切禁止之

吳綱字宏舉任工部主事奉委疏濟河輸漕運開泰

山三十六泉以便水利捐俸修孔顏廟丁艱墓廬服

闕上京適劉瑾方熾瑾人告綱於路曰欲遷官非百

金不得也綱歎曰吾豈入賄中貴博一資哉瑾聞大

怒綱拂袖歸林下二十餘年不跡公府

李寧字懷德鄉薦辭縣贐登進士試政戶部被簡領

金三十萬賑陝計羨一千不入私橐悉散諸饑民授

揚州推官平決疑獄檄視淮醯商人投以金覲減手

實悉却未幾卒第賓

賓字懷用繇選貢入監授岳州府判總理屬邑糧餉
豪猾莫敢通匿適朝廷修太和山撫按檄賓董役賓
料理當經始亟以勞陞五品俸歸家散所得俸金於
貧族而賢者倍之

宋子平字衡甫以孝友好施聞入國學授南丹衛經
歷署賓州不俟報發倉濟饑改委荔波民苦征擾有
變志委曲慰解之陞濱州判官適水災亟請院司停
歲征泰山香錢吏多私之子平罄入輸公以疾卒

閩書卷之一百十七

英舊志

漳州府

龍溪縣一

唐選舉

萬歲通天元年丙申明經 陳珣 見君長

貞元八年壬申明經 周匡業

元和十一年丙申進士 周匡物 匡業弟

十三年戊戌進士 戴歸德 戴添應 歸德弟 周漢

傑 匡物子

南唐進士 戴洪宗 歸德孫 戴秉權 洪宗子以上科年無考

周匡物

周匡物字幾本以詩歌著名未第時嘗作古鏡歌有欲向高臺對曉開不知誰是孤光王之句王播見之大加賞異曰當為此子作孤光主及播知貢舉而匡物及第漳人登第自匡物始始匡物應舉家貧徒步經錢塘江乏僦船資久不得濟迺題詩公館郡牧出見遂罪津吏自是命勿取舉選人錢及第後以詩謝播後官至高州刺史兄匡業為鄱陽令與匡物齊名子漢傑令漳浦孫鄔明經術有祖風五世孫仁祚宋初補郡經業長匡物錢塘公館詩萬里茫茫天塹遙又阻西陵兩信潮秦皇底事不安橋錢塘渡口無錢納已失西連沃焦秦皇何事不安橋錢塘渡口無錢納已失西興兩信潮

宋科第

淳化三年壬辰陳憂周

大中祥符元年戊申蘇頌

天聖五年丁卯余暉 蘇逢

景祐五年戊寅特奏名 蘇廸

慶曆二年壬午林曼

六年丙戌陳箴 林脩

皇祐元年巳丑蕭漢臣 曾華旦

五年癸巳特奏名 林載周

嘉祐二年丁酉特奏名 李中孚籍縣無考

四年巳亥余績

六年辛丑蔡瑗

治平二年乙巳劉衍 李亨伯 鄭俊

四年丁未歐陽紳 黃彥臣

特奏名 陳昌弼籍縣無考

熙寧三年庚戌王聘 葉宗古籍貫無考

六年癸丑魯叟 李絳 陳珪

九年丙辰陳璟 蕭彥

特奏名 李宗卿

元豐二年巳未林磐 余侔孫陳玠兄璟

特奏名 何中衡 蘇傳自中衡而下籍縣無考

五年壬戌王巽

特奏名 葉偉自王巽至此籍縣無考

八年乙丑吳桓 王梁材

特奏名 黃龜 魏茂

元祐三年戊辰施象

特奏名 林元 鄭預

二年辛未林言

紹聖元年甲戌王文中 劉鎔

四年丁丑張仲友 蔡圭

元符三年庚辰蔡鋒 陳敦德玠姪

特奏名 李文伯 舒坦 陳譔

崇寧三年甲申釋褐 吳揆

五年丙戌余峰 黃穎彦臣第
五子

特奏名 陳援

大觀三年己丑黃預彦臣第
三子 吳勳 黃碩彦臣第
二子

蕭鞞 魏太原 戴天澤

政和二年壬辰何靜 陳大謨援子 李矸籍縣無考 黃穎彦臣第

特奏名 盧炳 戴天秩天澤弟 謝錫 蔡庸

林几

五年乙未李功懋 王亢 陳王猷 張公懋

恩例 陳錫諤子 陳彥籍縣無考

重和元年戊戌蔡嶸 蔡章 江輯 黃良臣

鄭廷芳自良臣而下
籍縣無考

宣和三年辛丑韓鉉 劉庭筠 鄭擘 陳顛

特奏名 蔡袞侯 吳瓘 陳舜庸 畱浚

黃碩侯

六年甲辰劉巡 王綬 葉知新

特奏名 陳和一作知 秦椿年一作秦余 蘇紹

建炎二年戊申特奏名 鄭若德 陳美成

紹興二年壬子黃世昌 黃京

特奏名 陳臯謨 黃文思自臯謨而下

五年乙卯戴覺

特奏名 蕭汝規 陳建侯

八年戊午特奏名 陳大訥援次子 林駢 陳嘉績

陳淑自林駢而下

十二年壬戌蔡晟援曾孫 顏師魯 王羽儀 林觀

國籍無考

特奏名 李則 王逢中 林行中 吳南公

李確 李實自李確而下

十五年乙丑李恂 鄭闕 楊汝南

特奏名 姚邦憲 謝恂直

十八年戊辰林翰

特奏名 歐陽慈 薛徽 陳元 李顥

二十一年辛未陳彥文 林麟

特奏名 蔡中行 王文柔 盧廷言 楊大猷

王白

二十四年甲戌陳彥德 王機

特奏名 林章 陳孝昌

二十七年丁丑黃渙

特奏名 林檉 蘇良翰

三十年庚辰陳兢

特奏名林黃中 李慶孫 劉賡 鄭方慶

蔡振 劉隆 胡騰 楊凱

隆興元年癸未丁邦友

特奏名 陳鴻 許升 朱同寅 蕭聲顯

薛大鼎 陳敦厚 陳緣 黃琳 林夢翼

葉作新 蔡中孚 郝鈞籍縣無考

乾道二年丙戌鄭公顯 林宗臣 鄭瀚 余震曾

孫 李時中 余有微震弟 陳宏規

特奏名 陳上達 鄭升 陳文達 李恢

王朝俊

五年己丑鄭公敏公顯弟 陳師孟環孫 趙伯遜

特奏名蔡如松

八年壬辰王遇初儀子 陳衡

淳熙二年乙未孫昭先 余端人震弟 蔡盡忠環六世孫

黃萬中 謝師孟 陳經 黃符 鄭元實符而

下籍縣無考

特奏名 高發 陳孝寧

五年戊戌 林孔昭 郭延世 林士象 黃樵仲

預孫 陳方 趙伯穀 楊柵 蔡廸 黃杰 彦臣曾孫

陳東 歐陽俞

特奏名 林雲 崔公澤 王淵

八年辛丑 趙師程 許元老 鄭灝

特奏名 林諭 黃體中

十一年甲辰 余嘉 蕭玠 林復亨 鄧閻

盧甫 陳介之 丘鞞 王材

特奏名 陳藻 沈洪 鄭天麟 蕭珺 蔡維

翰

十四年丁未 黃樵 預孫 許伯鳳 蕭珏

特奏名 林雷 蕭輜

紹熙元年 庚戌 林士頤 士象兄

特奏名 陳宗一 林師德 盧興嗣 余有猷

何適道 涂次禹 陳宗說 孫開先 劉果

呂幽 高文渙 陳果 黃行可 陳國體

程文成 自盧興嗣而下籍縣無考

四年癸丑 鄭名卿 蔡奮忠 瑗六世孫

慶元二年丙辰林孟肅 廖公輔 蕭里 姚東

楊志銳

特奏名 余端夫 施澤 陳衍

五年己未李愨

特奏名 郭公贊 陳師臯 丁知幾 黃顙

丘聞

嘉泰二年壬戌陳欲才 欲一作欲 宋聞禮 陳萬言

黃應辰 鄭介

特奏名 施總

開禧元年乙丑趙汝襲

特奏名 林祀 王炎 孫彰元

嘉定元年戊辰劉士龍

特奏名 林埜

四年辛未朱春 林嶸

七年甲戌梁傳 程桂 劉旦 士龍弟

特奏名 林蒙亨 梁渭 蔡恭

十一年丁丑孫叔謹 昭先子 黃桂 符孫 涂子可 自黃桂而下籍

縣無考

特奏名 石宗光 林能千 陳淳 余伯謹 謹一

作謹

十三年庚辰蔡履忠瑗六世孫李師言愨子吳士廉

黃澤籍縣無考

特奏名 施興詩 梁勵臣 潘武 謝元脩

顏信仲顏一作顧

十六年癸未黃學阜 潘戴一作載武弟林幼安宗臣子

特奏名 何尚忠 曾啓之 謝渙 林揆

陳渥淳兄

寶慶二年丙戌楊汝賢 顏耆仲師魯孫 蔣逢泰

江恭夫 黃敬自蔣逢泰而下籍縣無考

特奏名 何宗德 鄭申卿 陳元揚以上三人籍縣無考

紹定二年己丑戴開覺子

特奏名 林慶忌 何相 李萬言 許伯鳳

五年壬辰張靈震

特奏名 方正子

端平二年乙未吳浩 趙孟傳 陳沆 趙必修

嘉熙二年戊戌江敞夫

特奏名 楊士復籍縣無考

淳祐元年辛丑楊應求

特奏名 黃元泰

四年甲辰宗子與倣

七年丁未吳源浩弟吳光勳四世孫

莊光華 趙若澆光華若亮籍縣無考

咸淳四年戊辰胡顯辟授承務郎志夫子

七年辛未陳森沈子

鄉貢薦辟任子賢者雜見列傳中

有傳

林積 蔡瑗 劉衍 李亨伯 黃彥臣

子願 碩 預 穎 孫 杞 樵 仲 樵 姪 孫 煥

陳玠從任孫 吳桓 王梁材 陳諤

蕭 欒 黃 濤 黃 京 顏 師 魯 子 徹 者 仲

楊汝南孫 振 仲 順 仲 黃羽儀子 通 李則 李恂

李時中 陳宏規 蔡如松 陳衡 孫昭先

子 叔 謹 陳經 林孔昭 林士蒙 余嘉

林師德 蕭里 姚東 丁知幾 林大年

宋聞禮 陳淳 潘武 黃學臯 胡志夫

林積字公濟慶曆中判循州廉勤方嚴嘗覆強盜獄出五十八人於死忤部使者意部使者初欲薦積因是已之積咲曰失一薦而活五十八人吾何憾焉蔡瑗字希邁文章政事有名於世而聲律尤長歷典

五郡徽宗登極上封事請法商三宗嚴畏周文王無
逸徽宗嘉納除江淮荆浙福建廣南等路大提點坑
冶所著有鵝城集

劉衍字成之授英州推官應材識兼茂科舉言時務
諷及新法報罷後知潮陽縣歲大歉發縣帑傾家資
運廣米民得不饑改知新州以禦妖賊功特授朝奉
郎秩滿詣京師會知杭州趙抃同日引見議青苗不
合安石叱之曰公等不讀書故爾抃未能對衍曰三
皇五帝所讀何書安石默然力乞致仕年纔三十八
累辟不起扁亭曰樂全與郭祥正倘佯其間其後章
惇等用事排擯朝士千八百餘人衍與趙抃不與焉
壽八十餘按衍所對安石世以爲抃而不知出衍也

李亨伯字安止授懷安尉遷知東莞縣掩捕海島中
積歲劇盜遷知梧州興學勸士丁內艱不許解任五
上章哀乞廼得是秋甘露降庭栢上張商英紀之名
亭曰澤露知澧州全州諸蠻服其威名終忠州防禦
使掛冠歸王鞏作神道碑劉安世書碑陰曰自嘉祐
以來引羊而去者如歐陽永叔以五十五范景仁以
六十三公則六十四耳目所睹三人而已立朝時與
張商英蘇軾相友善軾子過跋其遺文曰防禦公以

破賊功知名南服還漳過浮羅爲先君留十日飯過
方待行具見其事不踰時公還朝宰相薦換右列付
方面蓋欲以功名委焉公峻循退避終老鄉里此非
進退出處在我安能以清節照世乎子大方以

文名

黃彥臣字叔燦歷南寧長汀南安三縣簿泉廣二州
倅莆田劍建四郡守累贈少師彥臣倅郡時有強盜
獄守欲法之彥臣疑其寃故緩焉果獲真盜在汀州
有販私鹽百餘人計斤當死彥臣堆鹽庭中久之化
溷減斤不應死格矣劍建俗生子不舉令保正月報
給錢贍之凡其所至陰德在人彥臣父槩好學力行
孝事父母是生彥臣彥臣所生七子四子登第知名

曰願曰碩曰預曰穎彥臣之卒也莆人都曹曾拱妻

歿七日忽扶童曰人生在世切宜脩福前知軍黃彥
臣陰德在民陰府以朱砂書籍不惟今官其後

廼昌

願字脩可以父任補官起家晉江尉嘗裝飾一轎以
奉彥臣彥臣焚轎貽書責願願益自奮勵遷知上杭
清流二縣靖康初知楚州值京東震恐有劉士忠者
肆爲浮言願便宜梟士忠首安衆廼請罪于朝璽書
嘉獎旣車駕巡幸觀城壁脩固軍民晏輯除直徽猷
閣及駐蹕維揚加龍圖閣徒知揚州安撫淮南東路

三年春虜騎至城下時相黃潛善倉皇命願赴京口
因坐失守削秩高宗卽位原除復官孫杞

碩字若冲同兄登進士調建昌教授外臺交薦自江
陵法曹累官朝散大夫恬於仕進奉祠里居教授生
徒及卒郡守李彌遜祭以文比之楊亢宗馬少游子
淵澂孫茂先朴曾孫用之皆補郎官

預字幾先調汝州教授以薦除太學正時舍法盛行
預篤意訓導出知桐廬縣有惠政入爲監察御史直
言忤蔡京貶宜祿縣尋起廣東倉未行復貶宜祿卒
有書解行世孫樵仲樵

穎字秀實以上舍免省解赴廷試時彗星見指陳時
政靡忌諱抑殿丙科調崇德簿歷樞密院編脩官俄
遷中書舍人有忌其材出爲提點太平觀爲人溫柔
廉介工書隸有周禮解義春秋左氏事類行世子澤
將仕郎孫樗五試禮部

杞字景華以世賞補官初仕寧化尉用捕盜功改秩
知浦城縣有清介聲再調平陽有盜鼎者自言折肱
杞曰果爾耶卽與爾鼎其人舉之去杞曰此折肱者
耶遂坐罪通判太平府有圩田廣袤每歲役民修築
杞召豪戶與免差役使爲之畱守胡元質深加器重



在論薦必首杞除知肇慶府陛辭奏對稱旨孝宗曰
送之丞相周必大叅政留正屢薦于朝將有內除力
求便郡因知潮州尋奉祠時朱文公守郡最爲所重
子煜知揭陽縣有能聲閩帥辛棄疾嘗薦之烜潯州
推官炳煌俱以慶壽恩補官

朴字文卿用世賞補懷集尉攝邑事或以少年易之
一日寇至官吏失色調鄉兵自率禦之以薦調陽江
尉攝邑事邑有大豪持吏短長前後吏皆畏憚朴數
其過置之法胡尚書銓自海上召還取道陽江聞朴
名曰當備爲薦首未幾海寇劉承興犯高雷化三州
且吞南恩朴卽率客船十餘艘出港迎擊賊聞風宵
遯改秩安溪崇學校課農桑京尹陳輝出帥五羊處
朴於幕下朴與舶使罕事不阿秩滿倅邵武又倅福
州兼西外宗丞時帥相梁克家召還朴攝州宗二事
二司公給一無所恥力乞祠克家舉所知以朴爲首
而朴逝矣子用之增城丞

樵仲字道夫端方渾厚杜門著書登進士調永福尉
再調汀州錄叅俱有善政俸外添支一無所受謝事
歸每旦率子弟衣冠見家廟退則默坐或至終日飲
食衣服不求鮮美居喪三年不歡里有不義惟恐其

知朱文公守漳禮請入學及聽其講小學書再三稱善卒日神采自若文公遣倅翁德廣經紀後事所著有禮記解小學口義行世

樵字實夫家居及在太學授業常數百浙廣名士多出其門淳熙中以舍選入對獻十論於相王淮升進士丙科調南劍教授日以龜山了翁之學勵士終宣教郎有詩解中庸語孟解

渙彥臣姪孫也父願以文行推於鄉渙初任歸善簿廉謹著稱攝尉獲盜當改秩以遜同僚遷循州推官再為廣東帳幹檄攝潯州再攝撫州皆有聲

李絳字伯華初知貴州秩滿除編修國史出為福州參議尋知建州歲荒捐俸糴米賑濟左翼軍叛絳出誘諭之皆庭拜子寧國朝奉大夫光國承議郎安國承奉郎孫可復可待可行皆郎官

林磐字定國任汀州教授知干乘縣蝗不入境歷知邵武軍乞祠終朝散大夫

陳玠字待賓初調建之法曹椽知南劍州沙縣監泉州市舶司遷承議郎家豪於財父愛其二第輒推與之從姪孫兢

兢字戒叔宣和間以特科調貴州法曹當路交薦既



舉進士初尉長汀再授恩平新興二州教授終龍南令有周禮解及雜文數卷藏家

吳桓字孟文熙寧間陳三要三術甚切時務官至朝散郎高於文詞人爭慕之子南公嘗進中興比廷錄二十事詔與特恩授弋陽尉不就

王梁材字廷矜既舉進士上書陳朝政乞減省後宮及行幸不惡之費神宗嘉納除京西運判遂爲夔州路轉運使以母老上表辭謝不允復移利州路常平使再乞就養未至家母卒廬墓服闋改廣南坑冶提舉入見哲宗慰勉之特轉朝散大夫廣東轉運判官子元忠知高要縣以行經界有條理辟陽春令

陳諤字昌國累試太學不效歸教授里人一本之忠信孝弟初在太學聞父喪晨夕奔返兄弟友愛居不分異崇寧舉八行首授岳州文學

蕭鞞字棠仲初調古田尉獲強盜三十餘人爲減贓免歿調南康丞遷福清有誣告平民妖術者爲之申雪全數百家知南恩州道遇賊曰聞公德政願與更生鞞招徠之郡苦海寇爲築城植刺竹舊未建學作學舍市田聚生徒教養之乞祠歸家居廿餘年開門授徒門徒尊之曰蕭夫子年八十九卒

黃濤字壽公靖康間以薦補充行營使司準遣至紹興間倅廣州廉潔有守諸公踵薦于朝

黃京字華叔與高登友善同年擢第調連州戶曹以清白聞秩滿歸里年未四十聞登以直言斥恬無仕進意居家樂善人稱長者

顏師魯字幾聖舉進士歷知莆田福清二縣嘗決水利闢陂洫綿四十里歲大祲發廩賑不遏糴召爲官告院遷國子丞除江東提舉時天雨土日無光都人相警師魯陛辭言田里未安狂獄未清政令未當忠邪未辯願詔中外極言得失改浙江常平使時役法敝甚民遇役輒破家師魯下教屬邑預正流水籍補其役序寬比限免代輸人咸便之鹽課歲百鉅萬本錢久不給亭竈私鬻禁不可止師魯樽節帑緡盡償宿負戒官吏毋侵移舉課獨最高宗謂執政曰儒生能此予職直秘閣農民有墾曠土成田未及受租者奸豪多爲已利師魯奏但當正其租賦不應繩以盜種法奏可著爲令入爲監察御史有葛揆者自外府得內殿宣引將補御史闕員師魯亟奏宋璟召自廣州道中不與楊師勗交談李鄘恥爲吐突承瓘所薦堅辭相位士大夫立身之節當法璟鄘今其人朋邪

朝廷乏才寧少此輩臣雖不肖羞與爲伍命廼寢繼
論除職帥藩者比年好進之徒交結權倖一紆郡紱
皆掊尅以厚苞苴故昔以才稱後以貪敗高宗出其
疏袖中行之十年繇太府少卿爲國子祭酒首奏宜
講明理學嚴禁穿鑿與諸生言孳孳以治已立誠爲
本除權禮部侍郎尋兼吏部有旨改官班特免引見
言祖宗法度不可輕弛願始終持久自強不息又言
賜帶多濫應奉微勞皆得橫金預外廷會如觀瞻何
且臣下非時之賜過於優隆梵舍不愆之役亦加賜
齊萬一有爲國制變禦侮建功立事者將作何旌寵

高宗升遐師魯與太常少卿尤袤鄭僑議廟號曰高
宗卒從所定充顯仁皇后遺囑使初使至金金虜必
令蓼花聽樂師魯陛辭言必死守之不輕徇非禮以
弱國勢旣至據經陳誼反復慷慨金人不能奪遷吏
部侍郎尋除吏部尚書兼侍講累章請老以龍圖閣
直學士知泉州至泉以真誠平易行政率下戢官吏
之巡城搜稅者罷永春上供銀之預借于民者停免
安溪官田職田民田之逃亡者嚴除行之禁令戒丁
錢之掊克朱文公請行經界法詔下條其利害師魯
條上二利三害議者謂有失有得而亦尋止二年冬

進煥章閣學士令再任累乞致仕光宗勉從其請進
寶文閣學士提舉玉隆萬壽宮去郡巖谷漁樵之民
相與提携花酒戀獻光宗聞之復令再任累章辭未
奉旨卒年七十五官至大中大夫爵漳浦郡侯食邑
千戶贈宣奉大夫謚定肅子徹衡孫煥仲俱補官
徹字介肅一字子通警敏力學莊尚氣節以茂才薦
授南外西外睦宗院遷知永福歷外任屢登薦剡官
奉議郎在永福作自公齋記闢廳事東數椽爲宴息
地名曰自公羔羊之義也考之傳註或謂自其公而
退食于家或謂出公門入私門終無私交之行惟郭

氏以退食爲減膳以自公爲從于公余謂得詩本意
大抵侈心勝則利心生利心生則私心作天下正直
之理惟躬行節儉者得之內而家外而國大而天下
事無巨細一意樽節私無妄用公無妄費在物者不
足爲吾役則酬酢泛應皆入乎天理之自然物來能
明事至能應而莫非公矣書云恭儉惟德毋載爾僞
蓋此之謂書載座右以識命名子振仲者仲頤仲
振仲字景玉以祖澤補登仕郎宰安溪尉執平民曰
盜振仲物色之知其傭作有主家遂得釋守游九功
褒其事倅莆陽嘗課不足至振仲廼有羨嘗攝郡飛

雄軍被調遣資糧不足譟于市振仲出問知故撫諭之自以倅廳所積錢給軍軍感悅膜拜官至朝

散郎

耆仲字景英以祖澤補官授福州海口鎮遷知鄞縣歷倅臨安府既登進士除知江陰軍蒞政公勤召爲吏部郎以直秘閣提舉淮東陛辭論君子小人所以異除樞密院承旨歷太府少卿丐祠冲祐觀者仲雅愛士類所至崇學校獎風誼初鎮海口鎮有書院闕廩者仲置莊田製祭服鎮人生祀之家居置平湖桂莊以歲入錢贖計偕士官至中奉大夫爵龍溪縣開國男子鎮韶州司法鑰惠州鹽場鉢通仕郎

願仲字景正理宗朝以祖澤補官歷寧化尉轉知西安縣皆有美政累知嚴州時錢楮中半之令初行吏民震恐願仲曰郡入納純用楮而責以見錙是強其所無也又曰忤旨獲戾罪止一身便門自營害延千里朝廷不能奪入爲司農丞攝金部郎除直秘閣兩浙轉運判官時禁旅饑出諄語聞輦轂下願仲撫定之除戶部郎知臨安府浙西安撫卒諄語如前願仲曰昨撫諭從權弭變爾事定矣有罪宜討進將作監兼府事輪對言兵驕楮賤皆繇寬而不嚴所以致玩散而不歛所以積輕理宗是之復諭願仲楮尚折閱

願仲奏物少則貴多則賤邇者楮幣印造數多知散而不知歛臣謂約浮就實全在節用理宗稱善進太府少卿京尹如故嘉熙初除廣西轉運判官奏罷瓊崖僭萬四州鹽本錢并蠲免二十五州身丁錢三年赴行在奏事言旱被數路潮嚙隄岸民歿虜歿盜歿饑不聊其生今年陷襄明年失蜀又明年破淮國勢岌岌如此乞下哀痛之詔風勵有位除太府司農卿兼左司四年權戶部侍郎以直寶謨閣知寧國府一如嚴州之政淳祐改元除浙東提刑尋以舊職奉祠二年起知泉州以秘閣脩撰兼福建提刑罷溪糴減商稅教宗室養孤老四年起知温州明年遷右文殿知慶元府沿海制置使奏罷官渡錢六年詔願仲職事脩舉陞集英殿制置大使七年除寶章閣待制因歲饑遣艘往廣收糴郡倉抵價折納甲戶按籍勸分籍境內四十餘萬口排日賑糴以官倉及俸米倡之不足以甲戶富商均認之數濟之又不足以廣州米濟之猶不足奏乞常平二萬餘石半濟半糴詔俞其請全活甚衆八年除兵部侍郎疏乞祠十二年以刑部侍郎召內引奏言臣歷閩浙被水之郡建爲甚劔次之衢嚴又次之願更加賑卹兼勅令所詳定官除

權兵部尚書俄權刑部兼知臨安府明年以吏部尚書寶章閣學士提舉玉隆萬壽宮抗章請老景定二年卒

王羽儀仕徽州通判徽一作衢博學能文尤長於詩子遇

遇字子合少受業張南軒呂東萊之門而與廖德明

黃幹陳淳友善舉進士調臨江教授再調處斬二州

在斬日與諸生講說漏二十刻猶徘徊學舍注懷安

丞閩帥詹體仁鄭僑延置幕府裨贊甚多丞相趙汝

愚聞其賢將擢用之而偽學之禍起矣久之以薦知

長樂縣樽節浮費大脩水利轉贛州通判薦章交上

時韓侂胄當國遇不少貶以求合侂胄敗召為太學

博士未幾除諸王宮教授適毗陵大旱命為之守力

講荒政民被實惠浙東大饑詔以提舉浙東常平入

對請齋戒以飭躬剛大以進德急聞直言以救闕失

樂從公議以扶正道當斷絕斜封墨勅之原常存親

民如傷之念至官畱心賑濟一如毘陵時除大宗正

遷右曹郎中嘉定四年校策殿廬事畢而卒遇居官

所至介然招之不來撼之不動黃幹稱其學識之精

義利之明拔出流俗之表學者稱東湖先生子仲訥

以蔭官羅源令

李則字康成少孤力學試太學不偶浩然東歸教授生徒至百餘人如楊汝南李恂輩皆師事之累薦鄉書前列自號益壯翁初授桂嶺簿攝富川令調泉州德化令皆有政聲轉通直郎致仕則之學兼得蘇程二家其教人皆以仁義爲本

李恂字顧言性敏好學舉進士任縣尉以捕盜賞改知晉江縣後知邵武軍以官觀致仕初恂登第與史浩同甲及浩當軸累召不起時論高之子必直必正皆陰補官必直任興化軍

楊汝南字彥侯自其少年試輒不利鄉貢計偕待捷旅邸夜夢被人提油灌頂如是者三科紹興乙丑揭榜之夕明燈張博拉侶劇歡曰爲我達旦使我不夢其僕臥西牖下忽作魘魘聲亟振醒之具言夢二人扛油鼎登樓顧見迺公在坐轉執注僕僕怒而爭作如是魘汝南憮然名心都絕榜出則得名視其名次黯有油跡迺嘆曰士遇不遇蓋有天哉既登第調贛州教授改廣州仍前職嘗擬詩春秋中庸要旨經說三十篇以授學者仍表進于朝祭酒楊椿覽之曰真師範也用薦改知古田縣脩學舍置學田日謁學官考德勵業士人德之汝南與郡人高登廬陵楊萬里

並以節義相砥爲文語意清新有騷人典則自初仕
卽以廉平公勤自勵故所至有聞孫承祖

承祖字慶襲博學工詞賦以祖澤補官初調邕理曹
斷獄得情再調循州推幕改知安溪縣勞心撫字去
日民遮道借畱再倅循陽父老迎謂曰故清廉推官
也攝守惠陽廣憲王涪以廉吏首薦擢知新州帥洪
伋辟守恩平改知梅州赴闕奏事極言二廣便宜未
幾奉祠卜別墅介保福隆壽兩山間與郡守傅伯成
及鄉寓少卿孫昭先封守陳經爲真率集子思恭程

鄉尉思安新懷簿

鄭公顯字隱之初調建州司戶秩滿造朝獻時事十
論除潮州教授改知同安縣有惠政召監進奏院遷
宗正簿應詔進三說謂指陳大政而毋撻細故直書
事實而毋尙繁文此其二在大臣親覽審擇此其一
在陛下除大府寺丞兼勅令所刪定官歷侍右郎官
兼左司郎中公顯問學淵深尤長儷語在玉牒所時
初誕皇孫表賀重華云怡神珍館詎知天之非人而
人之非天毓秀濬源果見子又生孫而孫又生子又
表賀生皇孫千年生一聖人固曰非常之慶一日見
三天子尤爲甚盛之休又表賀雪以重華比舜以壽

成王皇后比王母有侍姚虞於玉圃奉王母於瑤池之句時人誦之第公敏

公敏字明之幼孤與兄苦學時號二鄭舉進士歷福清簿有政聲以薦調古田教官廣學宮新祭器建講道堂闢射圃日與諸生講明理學嘗以文謁憲使楊萬里大奇之子崧番禺令

林宗臣字寔夫受業高登之門官至主簿一見陳淳心異之謂曰子所習科舉爾聖賢大業則不在是因授以朱文公所編近思錄淳卒爲儒宗宗臣啓之也李時中字守正由延平通守軍器監丞出知袁州秩

廣東倉所至俸錢悉入寄庫不以歸家

陳宏規字獻可父雄卿以長者聞宏規少年獵科第長吏事初爲永春令有聲後以軍器監丞出知潮州增置韓江東岸石州二橋闢養濟院以處廢疾無告者召爲吏部郎歷朝請大夫潮人祀名宦

蔡如松字勁節襄之族慷慨有志與顏思魯吳獬友善歷四會令新興推官晚節不樂仕乞祠歸

陳衡字季平初調高要尉以擒海寇獲賞改寧都尉薦除福建帥幹遷知廉州陞辭奏差役之弊至郡再上章乞祠丞相京鏜曰恬退士也除宜州力申前請

慶元初除知興化軍著十論以裨朝議有携權貴書有求者衡曰寧身當謗不官物徇人樽節用度增糴備凶邦人立祠鐫碑子少清少時皆縣尉孫監淮西總司北軍

孫昭先字延父舉進士調興化簿以直道聞知安溪縣簡易寬恤科役有法民有先期充賦者修學舍躬課業斥廢寺田以贍教養嘉泰初以丞相薦差幹辦行在諸司審計司入班行論謹名器嚴法度寧宗嘉之除司農寺簿時大農告匱朝旨委都戶部同寺官推究弊源昭先條具甚悉都城火䟽言五事下失則

五行上汨善政脩此則和氣應被遷寺丞出知衢州脩學校葺城壁津梁驛舍無廢不興歲旱精意禱雨小歉則減於秋苗至萬餘斛復爲民輸折帛二稅發廩勸分隨地賑糶臺閩合舉治行冠一道召對言外攘急在治內內治要在安民歷浙東提刑每牘至前必反覆推究或有擬獄即延幕屬上下共議每行部戒官吏無得供餉資糧扉履悉自齎辦踰年劾去奸昏屬吏幾二十餘人嘉定中召赴行在再除吏部郎入對言朝綱未清邦用未節士氣未振民病未蘇凡四事除樞密院簡詳諸房文字歲旱詔百僚上封事

昭先條陳四病甚悉俄除右司郎中遷大府少卿再
除直寶謨提點江東刑獄改主管成都府玉隆觀尋
乞致仕卒年八十有奏議詩文若干卷子叔謹見下
叔諧廣南市舶提舉孫敏學監隆興苗米倉強學桂
陽簿志學賀州司法

叔謹字信之以郊恩補官調揭陽尉縣有稅務距州
務七十里而近民困重征叔謹一日攝令事力言郡
弛其禁踰年除大理評事持法守正輪對言旱蝗爲
虐所在荒亂乞責長吏以賑卹實政課守帥以備禦
實功舉進士除知莆田縣迎父侍養官事悉以豁白

憲使劉應祖露章薦其治最秩滿授泉州通判丁艱
服除遷大理寺丞理宗卽位陞對乞脩明君德振舉
治綱謹好惡於出令審輕重於用權又言長民之吏
推剝弊多總戎之官掎剋風熾請遴選監司太守精
擇制閫主將理宗嘉納署大理正卿獄囚有聽奏者
朝旨劄下府尹遣吏至寺門已二鼓必啓鑰入叔謹
曰此非出囚時少俟翼旦吏意沮頗出異論後聞于
朝卒是其說越二年遷大理正陞對進正心持久之
說丐外知潮州五鼓出聽事訟牒數百剖決如流州
兵惰弱申嚴教閱課伎藝常俸外悉捐爲脩學費新

思韓堂訪求昌黎手澤刊置堂壁出羨錢二萬餘緡
爲三邑代輸下戶鹽役邦人像祀之去日擁送以數
舍

陳經字叔綸知福清縣首務教化歷判循州知欽封
二州工詩文一時名士若趙汝諧敖陶孫危稹傅伯
成皆推服之威惠廟建通仙樓衆屬經記經對客援
筆以丈夫當廟食仙人好樓居爲發端楊長孺帥廣
得其封州軫民訓兵二詩謝之曰一封無已帖兩首
樂天詩

林孔昭字潛夫宰福清有聲丞相周必大薦士三十
五人孔昭預焉歷國子監簿遷丞復用薦者言其風
力才望出守處州族侄士蒙

士蒙字子正調歸善尉遷梅陽推官律已潔而馭吏
嚴尋攝郡崇學校以厲脩士嚴法禁以懲囂民改知
東莞政事益脩

余嘉字若蒙任惠潯二州教授進聖域記特授浙西
倉幹復進皇朝職志高宗政範差監樞密院激賞庫
進資時十論伏闕上書論韓侂胄又上書力沮和議
復爲古鑑錄以進及上書論邊事進天門類例括象
志改通直郎主管嶽祠所著周禮解禹貢考春秋地

例增釋紀年錄雜論五音姓譜哀前後上書曰代庖
集骨鯁集

林師德字叔正文長駢儷為學者師遊太學與黃樵
齊名尉東筦以獲盜功改武岡軍僉判秩不稱才士
論惜之

蕭里字元舉力學好古以周禮名家經解受者多為
門人任同安尉一介不恥再調廣州教授卒楊士訓
銘其墓稱其與人交上無諂下無狎嗜學如饑赴義
若渴

姚東字明仲仕長溪簿旱禱即雨民曰王簿雨令丞
廨火簿廳無恙民謂王簿留之再調保昌丞憲臺知
其廉察屢委疑獄囚不恣欺

丁知幾字潛仲簿潮陽有聲解官歸與伯兄貢元知
徵鑿港道通柳營江自文甲西至石美東凡三十里
化鹹為淡水利大興鄉民利之
皇朝洪武間

守王仲謙令民祠知幾其鄉

林大年字壽卿年八十二以書義再領鄉書謝啟有
云減伏生之八歲加太公之二年後不赴南宮郡延
為州學正年九十餘矣日與生徒討論未見書終老
于湖山

宋聞禮字叔履教授叙化二州知海陽縣有易禮記詩解行世

陳淳字安卿少而識趣端高學務求實間取濂洛遺書伏而讀之曰若與吾會循墻闖門未身其奧吾心慙焉及聞朱文公講道武夷歎曰是濂洛的派羸糧願從厄於無資會文公來守漳袖所爲自警詩爲贊文公讀之恨相見晚與語知其用工久且深直以上達之理發之淳聞語深思益求所未至文公去郡每語人南來吾道以得一安卿爲喜淳退更講明義理洞究淵微日用著察有以見天理流行之妙胸中洒落隨其所處莫不有從容順適之意如是者十年復不遠千里往質文公文公有喟然與點之嘆則又告之曰當大作下學之功毋專任上達之見當如曾子專事於所貫毋遽求一當如顏子專事於博約毋遽求卓淳歸而更無書不讀無物不格凡經傳子史之所載紀綱制度之詳禮樂刑政之用古今興衰治亂之原得失利害之機與夫異端邪說似是之非淺深䟽密難明之辯周匝究徹上徹下而於文公所以教無復遺恨文公沒淳僻處阨澁曩時朱門諸老皆已零落後來者率累於科舉習於見聞惟鄰郡泉莆

間有相信從者嘉定丁丑以特試寓中都四方友皆來叩質朝士大夫爭館迎焉嚴州守鄭之悌聞其至招致學宮坐臯講道彼一時也有竊似亂真自立門庭者教人默坐求心謂一蹴可至而以致知格物爲支離認人心爲道心後生晚出喜竒便簡羣然和之淳極力排舐所以發明正學以求指歸則有道學體統等四篇所以排舐異端中其膏肓則有似道似學一二辯旣歸泉人士師事益衆淳與講解率至夜分惟恐聽者之勞而在已曾無倦色惟慮夫人無以受之而不憚傾倒所有以告於是門人隨其口授筆之於書大學論孟中庸則有口義仁義禮智心意性情之類隨事剖折則有字義詳講仙谿陳沂久往來淳門輯一時間答之言爲筠谷所聞二卷其深切著明者也惟淳之道至晚益尊行著於鄉德形於言胸中明堂若太空無雲而其辯說條暢浩乎水涌而山出其推已及人之心甚於饑渴嗜慾不能自遏嘉定戊寅授迪功郎主安溪簿泉南諸生預竊自幸有以終教及將之官而遂卒於是相與哭之哀曰後學之不幸也

潘武字叔允與陳淳爲道義交以特科兩任嶽祠循

資至文林郎邑子弟多從之游如進士趙希流吳仲脩皆出其門

黃學臯字習之博通經史尤長於詩書春秋以特奏名薦入試南宮策問三舍法弊學臯舉伊川請改試為課及制尊賢堂待賓齋以谷有司大書曰此必偽學之流黜之嘉定十六年始登第簿番禺趙帥師楷每事必咨決而丞相崔與之時料院虞衡尤所器重再轉鄱陽丞待制李性傳延入郡齋校勘朱文公續語錄因薦之調泉州察推需次于家郡守方耒屈居學職稟論孟議數章辯折界限以訓諸士比至泉以廉稱年七十乞歸

廉稱年七十乞歸

胡志夫父騰仕員外郎志夫嘉定十七年辟承受節郎江東安撫使司將領使金國不屈歿謚忠惠

元科第

至正七年丁亥鄉試周佑第一林唐臣

八年戊子林唐臣尚有郭時晦未詳何科進士

薦辟人才賢者見列傳中

有傳

林廣發 黃元淵 周佑 王吉才

林廣發字明卿別號三溪嘗謂陳安卿號北溪高彥



先號東溪蔡汝作號南溪而已號三溪將兼而匹焉
生平孝友規言矩行通貫六籍融會百氏郡學三聘
爲諸生師以部使薦授安溪學職邑僚師事之會寇
作奉府檄招降以勞版授其縣主簿仍謀軍府事每
俘至委訊輒曰此平民也府帥問曷辯曰獲於巢穴
者賊捕於井里者民此皆自井里得之福建分省請
置汀漳屯田萬戶府以廣發爲其府經歷屢有差遣
不得理府中事兵民請諸分省曰願還此官活我邊
人所著有二溪集傳世子唐臣入

皇朝改名

嗣有傳

寬政改下

